

四庫全書

史部

# 欽定四庫全書

史部

資治通鑑卷一百四十五

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣張 護

欽定四庫全書

資治通鑑卷一百四十四

宋

司馬光

撰

胡三省

音註

齊紀十

重光大荒  
落一年

和皇帝

諱寶融字智昭  
明帝第八子也

中興元年

是年三月  
始改元

春正月丁酉東昏侯以晉安王寶

義為司徒建安王寶寅為車騎將軍開府儀同三司

東昏

侯以永元三年  
紀年騎奇寄翻

乙巳南康王寶融始稱相國

相悉亮  
翻下同

大赦以蕭穎胄為左長史蕭衍為征東將軍楊公則為

湘州刺史

去年楊公則取長沙因就用為湘州刺史

戊申蕭衍發襄陽

考異曰

梁高祖紀云二月戊申發襄陽按戊申正月十三日梁紀誤也

留弟偉總府州事愔守

壘城

壘城者築壘附近大城猶今堡寨也愔徒敢翻又徒濫翻

府司馬莊丘黑守樊

城

莊丘黑蓋為征東府司馬

衍既行州中兵及儲侍皆虛

侍直里翻積物以待

用謂魏興太守裴師仁齊興太守顏僧都並不受衍命之

舉兵欲襲襄陽偉愔遣兵邀擊於始平大破之

齊分魏興郡東

界鄆鄉錫二縣地為齊興郡沈約曰江左僑立始平郡治武當五代志曰浙陽郡武當縣舊僞置始平郡又置



齊興郡則二郡皆置於今均州界宋白曰齊永  
明七年置齊興郡於均州鄖鄉縣守式又翻 雍州乃

安

雍於用翻

魏咸陽王禧為上相

禧以太尉輔政位居羣臣之上故日上相不

不

親政務驕奢貪淫多為不法魏主頗惡之

惡烏路翻

禧遣奴

就領軍于烈求舊羽林虎賁執仗出入

舊字衍執仗出入每出入欲使

之執兵翊衛賁音奔

烈曰天子諒闇事歸宰輔

闇音陰

領軍但知典

掌宿衛非有詔不敢違理從私禧奴惘然而返

惘然失志貌惘

音禧復遣謂烈曰

復扶又翻

我天子之叔父身為元輔有所

求須意之所

欲為須

與詔何異烈厲色曰烈非不知王之貴也

奈何使私奴索天子羽林

索山客翻

烈頭可得羽林不可得

禧怒以烈為恒州刺史

恒戶登翻

烈不願出外固辭不許遂

稱疾不出

卧私第不出也

烈子左中郎將忠領直閣

北齊左右衛有直閣

屬官有朱衣直閣直閣將軍直寢直齋直後之屬

常在魏主左右烈使忠言於

魏主曰諸王專恣意不可測宜早罷之自攬權綱北海

王詳亦密以禧過惡白帝且言彭城王勰大得人情不

宜久輔政

勰音協

帝然之時將禘祭

宗廟之祭春曰禘春曰禘始余若翻薄也

生其祭尚薄

王公並齋於廟東坊帝夜使于忠語烈明旦入

見當有處分質明烈至

語牛倨翻見賢通翻處昌呂翻分扶問翻質正也質明天正明

也帝命烈將直閣六十餘人宣旨召禧勰詳衛送至帝

所將即

禧等入見於光極殿

光極殿魏孝文帝太和十九年所起以引見羣臣見

賢通

帝曰恪雖寡昧忝承寶厯比纏疴疾

魏主名恪見諸父自稱其

名示謙挹也比毘至翻近也疴烏光翻弱也疾丑刀翻疾也

實憑諸父苟延視息奄

涉三齡諸父歸遜殷勤令便親攝百揆且還府司當別

處分

還府司謂各歸公府司存之所

又謂勰曰頃來南北務殷不容仰

遂冲操

南北務殷謂使勰北鎮中山南取壽陽因而守之也冲謙也虛也冲操謙虛之操

恪是

何人而敢久違先敕

先敕謂高祖遺敕見一百四十二卷東昏侯永元元年

令遂

叔父高蹈之意總謝曰陛下孝恭仰遵先詔上成睿明

之美下遂微臣之志感今惟往悲喜交深

惟思也

庚戌詔勅

以王歸第禧進位太保

進其位而奪之權

詳為大將軍錄尚書

事

為詳以專恣得罪張本

尚書清河張彞邢巒聞處分非常亡走

出洛陽城為御史中尉中山甄琛所彈

甄之人翻彈徒丹翻

詔書

切責之復以于烈為領軍仍加車騎大將軍

復扶又翻又如字

自是長直禁中軍國大事皆得參焉魏主時年十六不

能親決庶務委之左右於是倖臣茹皓音如趙郡王仲

興上谷寇猛趙郡趙脩南陽趙邕及外戚高肇等始用

事魏政浸衰趙脩尤親幸旬月間累遷至光祿卿每遷

官帝親至其宅設宴王公百官皆從

為後趙脩誅張本從才用翻

辛亥東昏侯祀南郊大赦丁巳魏主引見羣臣於太

極前殿告以親政之意

見賢遍翻

壬戌以咸陽王禧領太尉

廣陵王羽為司徒魏主引羽入內面授之羽固辭曰彥

和本自不願而陛下強與之

彭城王勰字彥和事見上卷上年強其兩翻

今

新去此官而以臣代之必招物議乃以為司空 二月

乙丑南康王以冠軍長史王茂為江州刺史

冠古竟陵  
玩翻

太守曹景宗為郢州刺史邵陵王寶攸為荊州刺史

甲戌魏大赦 壬午東昏侯遣羽林兵擊雍州中外纂

嚴 甲申蕭衍至竟陵命王茂曹景宗為前軍以中兵

參軍張法安守竟陵城茂等至漢口諸將議欲併兵圍

郢分兵襲西陽武昌

將即亮  
翻下同

衍曰漢口不闊一里箭道

交至

謂船自中流而下敵人  
夾岸射之其箭交至也

房僧寄以重兵固守與郢

城為犄角

犄居蟻翻

若悉衆前進僧寄必絕我軍後悔無所

及不若遣王曹諸軍濟江與荊州軍合以逼郢城吾自

圍魯山以通沔漢

沔即漢也一水二名

使鄖城竟陵之粟方舟而

下

安陸春秋鄖子之國故曰鄖城鄖音云杜預曰江夏雲杜縣東南有鄖城劉昫曰郢州長壽縣古竟陵也

方泐也舟船也詩云就其深矣方之舟之泐音桴

江陵湘中之兵相繼而至兵

多食足何憂兩城之不拔天下之事可以卧取之耳

卧

取之言不煩力戰也

乃使茂等帥衆濟江頓九里

其地去郢城九里因以為名帥

讀曰

張冲遣中兵參軍陳光靜開門迎戰茂等擊破之

光靜死冲嬰城自守景宗遂據石橋浦連軍相續下至

加湖

加湖在江夏滠陽縣界湖水自北南注江去郢城三十里

荊州遣冠軍將軍鄧

元起軍主王世興田安之將數千人會雍州兵於夏首

雍於用翻  
夏戶雅翻

衍築漢口城以守魯山命水軍主義陽張惠

紹等遊遏江中絕郢魯二城信使

使疏  
吏翻

楊公則舉湘州

之衆會於夏口蕭穎胄命荊州諸軍皆受公則節度雖

蕭穎達亦隸焉府朝議欲遣人行湘州事而難其人

南康

王開相國府故曰  
府朝朝直遥翻

西中郎中兵參軍劉坦謂衆曰湘土



人情易擾難信

易以駁翻

用武士則侵漁百姓用文士則威

略不振必欲鎮靜一州軍民足食無踰老夫乃以坦為

輔國長史長沙太守行湘州事坦先嘗在湘州多舊恩

迎者屬路

劉坦傳先嘗在湘州蓋客游也屬之欲翻

下車選堪事吏分詣十

郡

湘州領長沙桂陽零陵衡陽營陽湘東邵陵始興臨賀始安十郡

發民運租米三十

餘萬斛以助荆雍之軍由是資糧不乏三月蕭衍使鄧

元起進據南堂西渚

南堂在郢城南北蓋射堂西近江渚

田安之頓城北

王世興頓曲水故城

曲水故城蓋郢府官僚後禊之地在城東

丁酉張冲病

卒驍騎將軍薛元嗣與冲子孜及征虜長史江夏內史

程茂共守郢城

張冲自輔國將軍進征虜將軍以程茂為長史驍堅亮翻騎奇寄翻

乙巳

南康王即皇帝位於江陵

考異曰東昏紀云丁未南康王諱即皇帝位蓋是日建

康始聞之耳今從和帝紀及梁武帝紀

改元大赦

始改元為中興元年

立宗廟南北

郊州府城門悉依建康宮置尚書五省以南郡太守為

尹以蕭穎胄為尚書令蕭衍為左僕射晉安王寶義為

司空廬陵王寶源為車騎將軍開府儀同三司建安王

寶寅為徐州刺史

寶義寶源寶寅皆在建康遥授之耳

散騎常侍夏侯詳

為中領軍冠軍將軍蕭偉為雍州刺史丙午詔封庶人

寶卷為涪陵王

涪音浮

乙酉以尚書令蕭穎胄行荊州刺

史加蕭衍征東大將軍都督征討諸軍事假黃鉞時衍

次楊口和帝遣御史中丞宗夬勞軍

夬古賣翻勞力到翻

寧朔將

軍新城庾域諷夬曰黃鉞未加非所以總帥侯伯

武王伐紂

諸侯畢會至于牧野王左杖黃鉞右秉白旄以麾後世自魏武以下率加黃鉞孔安國曰黃鉞以黃金飾斧帥

讀曰率下同

夬返西臺

江陵在西故曰西臺

遂有是命薛元嗣遣軍主

沈難當帥輕舸數千亂流來戰張惠紹等擊擒之

橫絕流而

渡曰亂詩云涉渭  
為亂舸苦我翻

癸丑東昏侯以豫州刺史陳伯之為

江州刺史假節都督前鋒諸軍事西擊荊雍夏四月蕭

衍出沔命王茂蕭穎達等進軍逼郢城薛元嗣不敢出

不敢出  
戰也

諸將欲攻之衍不許

衍欲持久以全  
力弊郢魯二城

魏廣陵

惠王羽通於負外郎馮俊興妻夜往為俊興所擊而匿

之五月壬子卒

魏主既親政事嬖倖擅權王公希得

進見

見賢  
遍翻

齊帥劉小苟屢言於禧云

師所  
類翻

聞天子左右

人言欲誅禧禧益懼乃與妃兄給事黃門侍郎李伯尚

氏主楊集始楊靈祐乞伏馬居等謀反會帝出獵北邙

禧與其黨會城西小宅欲發兵襲帝使長子通竊入河

內舉兵相應

長知兩翻

乞伏馬居說禧還入洛城勒兵閉門

說式

天子必北走桑乾

謂北歸平城也平城魏故都乾音干

殿下可斷河

橋為河南天子

斷丁管翻

衆情前却不壹禧心更緩自旦至

晡猶豫不決遂約不泄而散楊集始既出即馳至北邙

告之直寢符承祖薛魏孫與禧通謀

當是時馮太后所幸宦者符承祖已

死此又別一符承祖後魏孝文帝太和九年

初置直齋直寢是日帝寢於浮圖之陰

魏孫欲弑帝承祖曰吾聞殺天子者身當病癰

癰音賴惡疾也

魏孫乃止俄而帝寤集始亦至帝左右皆四出逐禽直

衛無幾

幾居宜翻

倉猝不知所出左中郎將于忠曰臣父領

軍留守京城

守式又翻

計防邊有備必無所慮帝遣忠馳騎

觀之

騎奇寄翻

于烈已分兵嚴備使忠還奏曰臣雖老心力

猶可用此屬猖狂不足為慮願陛下清蹕徐還以安物

望帝甚悅自華林園還宮

華林園魏明帝所築芳林園也後避齊王芳諱改曰華林

園還從宣翻又如字

撫于忠之背曰卿差彊人意禧不知事露與

姬妾及左右宿洪池別墅

洪池即漢之鴻池在洛陽東二十里田廬曰墅今人謂之

別業晉人以來往往治池館觀游於其中墅承與翻

遣劉小苟奉啟云檢行田收

行下孟翻

小苟至北邙已逢軍人怪小苟赤衣欲殺之小苟

困迫言欲告反乃緩之或謂禧曰殿下集衆圖事見意

而停

言意趣已發見而中止也見賢遍翻

恐必漏泄今夕何宜自寬禧曰

吾有此身應知自惜豈待人言又曰殿下長子已濟河

兩不相知豈不可慮禧曰吾已遣人追之計今應還時

通已入河內列兵仗放囚徒矣于烈遣直閣叔孫侯將

虎賁三百人收禧

將即亮翻  
賁音奔

禧聞之自洪池東南走僅

僕不過數人濟洛至柏谷塢追兵至擒之送華林都亭

華林都亭蓋在  
華林園門外

帝面詰其反狀

詰去  
吉翻

壬戌賜死於私第

同謀伏誅者十餘人諸子皆絕屬籍微給貲產奴婢自

餘家財悉分賜高肇及趙脩之家其餘賜內外百官逮

于流外

雜色補官不入品  
者謂之流外官

多者百餘匹下至十匹禧諸

子乏衣食獨彭城王勰屢賑給之河內太守陸琇聞禧

敗斬送禧子通首魏朝以琇於禧未敗之前不收捕通



責其通情徵詣廷尉死獄中

陸馭以傳孝文於受內禪之初福澤及其子至是其

子敗矣勰音協賑津惡翻琇音秀朝直遙翻

帝以禧無故而反由是益疎忌

宗室巴西太守魯休烈巴東太守蕭惠訓不從蕭穎

冑之命惠訓遣子瓚將兵擊穎冑

瓚古翻

穎冑遣汶陽太

守劉孝慶屯峽口

此西陵峽口也在宜都夷陵界夷陵今峽州也

與巴東太守

任漾之等拒之

任音壬

東昏侯遣軍主吳子陽陳虎牙

等十三軍救郢州進屯巴口

水經注巴水出廬江雩婁縣之下靈山亦曰巴山南

流注于江謂之巴口今黃州之巴河口是也

虎牙伯之之子也六月西臺遣

衛尉席闡文勞蕭衍軍

勞力到翻

齋蕭穎胄等議謂衍曰今

頓兵兩岸不併軍圍郢定西陽武昌取江州此機已失

莫若請救於魏與北連和猶為上策衍曰漢口路通荆

雍控引秦梁

沂漢水而上至漢中秦梁二州刺史所治也故可以控引

糧運資儲仰

此氣息所以兵壓漢口連結數州今若併軍圍郢又分

兵前進魯山必阻沔路搯吾咽喉

搯於革翻咽因肩翻

若糧運不

通自然離散何謂持久鄧元起近欲以三千兵往取尋

陽彼若懼然知機一說士足矣

說輸為翻

脫距王師

脫或也脫者未

之辭

固非三千兵所能下也進退無據未見其可西陽

武昌取之即得然既得之即應鎮守欲守兩城不減萬

人糧儲稱是卒無所出

稱尺證翻  
卒讀曰猝

脫東軍有上者

上時  
掌翻

以萬人攻兩城兩城勢不得相救若我分兵應援則首

尾俱弱如其不遣孤城必陷一城既沒諸城相次土崩

天下大事去矣若郢州既拔席卷沿流

卷讀  
日捲

西陽武昌

自然風靡何遽分兵散衆自貽憂患乎且丈夫舉事欲

清天步

天步天路也詩  
云天步艱難

况擁數州之兵以誅羣小懸河

注火奚有不滅豈容北面請救戎狄以示弱於天下彼

未必能信徒取醜聲此乃下計何謂上策蕭衍以計可謂有英雄之

略卿為我輩白鎮軍前途攻取但以見付事在目中無

患不捷但借鎮軍靖鎮之耳蕭穎胄時為西臺尚書令蓋加號鎮軍將軍為于偽

翻下佑吳子陽等進軍武口武口武湖水出江之口水為同上通安陸之延頭今謂之

沙武口張舜民曰武口在陽羅洲西北十餘里距汴京纔十八驛二廣湖湘皆由此而濟衍命軍主

梁天惠等屯漁湖城唐脩期等屯白陽壘時築壘於白陽浦夾

岸待之子陽進軍加湖考異曰梁章叡傳作去郢三

詔湖今從齊梁帝紀

十里傍山帶水築壘自固子陽舉烽城內亦舉火應之

而內外各自保不能相救會房僧寄病卒衆復推助防

張樂祖代守魯山

復扶又翻下篡復祐復同助防者使之助城主防守因以為稱樂祖即去

年張冲所遣助房僧寄者參考前後張當作孫

蕭穎胄之初起也弟穎孚自

建康出亡廬陵民脩靈祐為之聚兵得二千人襲廬陵

克之內史謝纂奔豫章

纂蘇管翻

穎胄遣寧朔將軍范僧簡

自湘州赴之僧簡拔安成

吳孫皓寶鼎二年分豫章廬陵長沙立安成郡時屬江州

劉昫曰吉州安福縣吳置安成郡九穎胄以僧簡為安

域志安福縣在吉州西一百二十里

成太守以穎孚為廬陵內史東昏侯遣軍主劉希祖將

三千人擊之南康太守王丹以郡應希祖

南康今贛州

穎孚

敗奔長沙尋病卒謝篡復還郡希祖攻拔安成殺范僧

簡東昏侯以希祖為安成內史脩靈祐復合餘衆攻謝

篡篡敗走東昏侯作芳樂苑

樂音洛

山石皆塗以五采

望民家有好樹美竹則毀牆撤屋而徙之時方盛暑隨

即枯萎朝暮相繼

言徙樹竹者朝夕相繼也

又於苑中立市使宮人

宦者共為禪販

禪益也買賤賣貴以自禪益故曰禪販

以潘貴妃為市令

東昏侯自為市錄事小有得失妃則予杖

予讀曰與

乃敕虎

賁不得進大荆實中荻

大荆牡荊也俗謂之黃荊以為箠杖荻之實中者以箠人則重

而痛楚虛中者差輕賁音奔

又開渠立埭身自引船

埭徒耐翻

或坐而屠

肉又好巫覡

好呼到翻覡戶狄翻

左右朱光尚詐云見鬼東昏入

樂遊苑人馬忽驚以問光尚對曰曷見先帝大嗔

樂音洛先

時為曷嗔昌真翻怒也

不許數出

數所角翻

東昏大怒拔刀與光尚尋

之既不見乃縛菰為高宗形

菰音孤雕胡也一名蔣江南人呼為茭草

北向

斬之縣首苑門

縣讀曰懸

崔慧景之敗也巴陵王昭胄永新

侯昭穎出投臺軍各以王侯還第心不自安

昭胄昭穎投慧景事

見上卷上年永新縣屬安成郡吳立

竟陵王子良故防閤桑偃為梅蟲兒

軍副與前巴西太守蕭寅謀立昭胄昭胄許事克用寅

為尚書左僕射護軍

許之以僕射領護軍將軍

時軍主胡松將兵屯

新亭寅遣人說之曰須昏人出

須待也以帝昏狂斥指為昏人說式為翻寅

等將兵奉昭胄入臺閉城號令

將即亮翻

昏人必還就將軍

但閉壘不應則三公不足得也松許諾會東昏新作芳

樂苑經月不出遊偃等議募健兒百餘人從萬春門入



突取之昭胄以為不可偃同黨王山沙慮事久無成以

事告御刀徐僧重寅遣人殺山沙於路吏於麝騰中得

其事

勝徒登翻囊可帶者曰勝山沙以盛麝香故曰麝勝猶今之香袋

昭胄兄弟與偃

等皆伏誅雍州刺史張欣泰與弟前始安內史欣時密

謀結胡松及前南譙太守王靈秀直閣將軍鴻選等誅

諸嬖倖廢東昏

晉孝武帝僑立南譙郡於淮南五代志江都郡清流縣舊置南譙郡鴻姓也姓

譜帝鴻氏之後或曰大鴻之後左傳衛有鴻聊魋雍於用翻嬖卑義翻又博計翻東昏遣中書

舍人馮元嗣監軍救郢

監工衛翻

秋七月甲午詔法珍梅蟲

兒及太子右率李居士制局監楊明泰送之中興堂宋

武帝即位於新亭改新亭曰中興堂茹音如率所律翻欣泰等使人懷刀於座斫

元嗣頭墜果梓中梓蒲官翻梓以盛果及魚肉又斫明泰破其腹蟲

兒傷數創手指皆墮居士法珍等散走還臺靈秀詣石

頭迎建康王寶寅

建康王當作建安王

帥城中將吏見力

見力見在兵力

也帥讀曰率見賢遍翻

去車輪載寶寅文武數百唱警蹕向臺城

百姓數千人皆空手隨之欣泰聞事作馳馬入宮冀法

珍等在外東昏盡以城中處分見委表裏相應既而法

珍得返處分閉門上仗不配欣泰兵鴻選在殿內亦不

敢發寶寅至杜姥宅日已暝城門閉城上人射外人不

人棄寶寅潰去寶寅亦逃三日乃戎服詣草市尉

臺城六門

之外各有草市置草市尉司察之去羗呂翻尉馳以啟

處昌呂翻分扶問翻上仗時掌翻射而亦翻東昏東昏召寶寅入宮問之寶寅涕泣稱爾日不知何

人逼使上車仍將去制不自由

爾日猶言其日也上時掌翻

東昏笑

復其爵位張欣泰等事覺與胡松皆伏誅蕭衍使征

虜將軍王茂軍主曹仲宗等乘水漲以舟師襲加湖鼓

譟攻之丁酉加湖潰吳子陽等走免將士殺溺死者萬

計

將即亮翻

俘其餘衆而還

還從宣翻

於是郢魯二城相視奪氣

乙巳柔然犯魏邊

魯山乏糧軍人於礮頭捕細魚

供食

礮居希翻沙聚成磧水所漸浸曰礮

密治輕船將奔夏口

治直之翻夏戶雅翻

蕭衍遣偏軍斷其走路

斷音短

丁巳孫樂祖窘迫以城降

降戶江翻下同

已未東昏侯以程茂為郢州刺史薛元嗣為雍

州刺史

雍於用翻

是日茂元嗣以郢城降郢城之初圍也士

民男女近十萬口閉戶二百餘日疾疫流腫

流腫言毒氣流注而

浮腫也近其郢翻

死者什七八

考異曰齊張冲傳云死者七八百家按死者不可以家數今

從梁高祖紀及韋叡傳

積尸牀下而寢其上比屋皆滿

比毗至翻周禮五家

為比取其相連比而居也又毗必翻次也

茂元嗣等議出降

降戶江翻

使張孜為

書與衍張冲故吏青州治中房長瑜

明帝時張冲為青冀二州刺史以房

長瑜為治中

謂孜曰前使君忠貫昊天郎君但當坐守畫一

以荷析薪

畫一用漢書語蕭何為法較若畫一曹參代之守而勿失此取守而勿失之義左傳曰其

父析薪其子不克負荷荷下可翻又如字

若天運不與當幅巾待命下從使

君今從諸人之計非唯郢州士女失高山之望亦恐彼

所不取也

詩曰高山仰止注云有高德則慕而仰之彼謂蕭衍

敎不能用蕭衍以

韋叡為江夏太守行郢府事

夏戶雅翻

收瘞死者而撫其生

者

瘞於計翻

郢人遂安諸將欲頓軍夏口衍以為宜乘勝直

指建康車騎諮議參軍張弘策寧遠將軍庾域亦以為

然衍命衆軍即日上道緣江至建康凡磯浦村落軍行

宿次立頓處所弘策逆為圖畫如在目中

郢魯未克蕭衍則違衆議

駐兵漢口而不輕進圖萬全也郢魯既克衍遽督諸軍直指建康乘勝勢也逆為圖畫者畫緣江可立頓及次

宿之地為圖使諸將按之以為進止上時掌翻

辛酉魏大赦

魏安國宣簡

侯王肅卒於壽陽

安國縣漢屬中山國晉魏屬博陵郡

贈侍中司空初肅

以父死非命

王與死見一百三十八卷武帝永明十一年

四年不除喪高祖

曰三年之喪賢者不敢過

記檀弓子夏既除喪而見予之琴和之而不和彈之而不

成聲作而曰哀未忘也先王制禮而弗敢過也

命肅以祥禫之禮除喪

暮而小祥再暮

而大祥大祥之後中月而禫鄭氏曰祥吉也禫澹澹然平安之意禫徒感翻釋曰除服祭名

然肅猶

素服不聽樂終身

汝南民胡文超起兵於潯陽

沈約曰汝

南大沙羨土晉末汝南郡民流寓夏口因立為汝南縣為江夏太守治所宋白曰晉汝南郡人流寓夏口因僞立汝南郡在潼口又為汝南縣晉末改為江夏縣荆湘記云金水北岸有汝南舊城是也晉惠帝世立潯陽縣

晉書朱伺傳曰張昌之亂安陸人多附昌唯伺令其鄉人討之昌既滅伺部曲以逆順有嫌求別立縣遂從之分安陸東界立潏陽縣屬江夏郡潏書涉翻時汝南之地已入於魏蕭子顯齊志司州汝南郡寄治義陽以

應蕭衍求取義陽安陸等郡以自効衍又遣軍主唐脩

期攻隨郡

晉武帝分南陽義陽立隨郡屬荊州宋孝武帝度屬郢州前廢帝永光元年改屬雍州明

帝泰始五年改為隨陽郡還屬郢州後廢帝元徽四年度屬司州齊曰隨郡五代志隨州隨縣舊置隨郡皆

克之司州刺史王僧景遣子為質於衍司部悉平謂司部

州所部諸郡質音致

崔慧景之死也其少子偃為始安內史逃潛

得免

少詩照翻

及西臺建以偃為寧朔將軍偃詣公車門上



書曰臣竊惟高宗之孝子忠臣而昏主之亂臣賊子者

江夏王與陛下先臣與鎮軍是也

慧景既死江夏王寶玄併誅事見上卷上

年夏戶雅翻

雖成敗異術而所由同方陛下初登至尊與天

合符天下纖芥之屈尚望陛下申之況先帝之子陛下

之兄所行之道即陛下所由哉此尚不恤其餘何冀今

不可幸小民之無識而罔之

以非道欺人謂之罔

若使曉然知其

情節相帥而逃陛下將何以應之哉

帥讀日率

事寢不報偃

又上疏曰近冒陳江夏之冤非敢以父子之親而傷至

公之義誠不曉聖朝所以然之意若以狂主雖狂實是

天子江夏雖賢實是人臣先臣奉人臣逆人君為不可

未審今之嚴兵勁卒直指象魏者

象魏闕也

其故何哉臣所

以不死苟存視息

人目不能視氣不復息則死矣

非有他故所以待皇

運之開泰申忠魂之枉屈今皇運已開泰矣而死社稷

者反為賊臣臣何用此生於陛下之世矣臣謹案鎮軍

將軍臣穎胄中領軍臣詳皆社稷之臣也同知先臣股

肱江夏匡濟王室天命未遂主亡與亡而不為陛下贅

然一言

晉書卷八十一  
也為于偽翻暫見

知而不言不忠不知而不言不

智也如以先臣遣使江夏斬之則征東之驛使何為見

戮陛下斬征東之使實詐山陽

斬王天虎以詐山陽事  
見上卷上年使疏吏翻

江夏違先臣之請實謀孔矜

事亦見上  
卷上年

天命有歸故事

業不遂耳臣所言畢矣乞就湯鑊然臣雖萬沒猶願陛

下必申先臣何則惻愴而申之則天下伏不惻愴而申

之則天下叛先臣之忠有識所知南董之筆千載可期

南董謂齊南史晉董狐也崔杼弑齊莊公太史書曰崔杼弑其君崔子殺之其弟嗣書而死者二人其弟又書

乃舍之南史氏聞太史盡死執簡以往聞既書矣乃還  
晉趙盾弟穿弑靈公董狐以盾不討賊書曰趙盾弑其  
君以示於朝孔子曰董狐古之  
良史也書法不隱載子亥翻

亦何待陛下屈申而為

褒貶然小臣惓惓之愚為陛下計耳詔報曰具知卿惓  
切之懷今當顯加贈諡偃尋下獄死

惓遠負翻悅烏  
貫翻下遐嫁翻

八月丁卯東昏侯以輔國將軍申胄監豫州事辛未以

光祿大夫張瓌鎮石頭

監工銜翻  
瓌古回翻

初東昏侯遣陳伯

之鎮江州以為吳子陽等聲援子陽等既敗蕭衍謂諸

將曰用兵未必須實力所聽威聲耳今陳虎牙狼狽奔

歸尋陽人情理當懼

許拱翻

可傳檄而定也乃命搜俘

囚得伯之幢主蘇隆之

江幢傳翻

厚加賜與使說伯之許即

用為安東將軍江州刺史

即就也說式為翻下同

伯之遣隆之返

命雖許歸附而云大軍未須遽下衍曰伯之此言意懷

首鼠

漢書田蚡曰首鼠兩端服虔注云首鼠一前一卻也

及其猶豫急往逼之計

無所出勢不得不降

江降翻

乃命鄧元起引兵先下楊公

則徑掩柴桑

柴桑漢縣屬豫章郡晉屬武昌郡晉惠帝立尋陽郡治柴桑五代志曰江州湓城縣

舊曰柴桑杜佑曰今尋陽縣南楚城驛舊柴桑縣也

衍與諸將以次進路元起將

至尋陽

今江州德化縣六朝之尋陽也

伯之收兵退保湖口

湖口彭蠡湖入江之

口也今江州湖縣即其地

留陳虎牙守湓城選曹郎吳興沈瑀說

伯之迎衍

選須綃翻瑀音禹

伯之泣曰余子在都不能不愛瑀

曰不然人情匈匈

毛晃曰匈匈喧擾之意漢書高帝紀天下匈匈勞苦又匈匈譴議之聲荀

子君子不為小人之匈匈而易其行

皆思改計若不早

圖衆散難合丙子衍至尋陽伯之束甲請罪初新蔡太

守席謙

蕭子顯齊志江州有南新蔡郡豫州有北新蔡郡以五代志考之北新蔡當置於今光州界

父恭祖為鎮西司馬為魚復侯子響所殺

事見一百三十七卷武帝

永明八年  
復音腹

謙從伯之鎮尋陽聞衍東下曰我家世忠貞

有殞不二伯之殺之乙卯以伯之為江州刺史虎牙為

徐州刺史

魯休烈蕭瑋破劉孝慶等於峽口任漾之

戰死休烈等進至上明江陵大震蕭穎胄恐馳告蕭衍

令遣楊公則還援根本衍曰公則今沂流上江陵雖至

何能及事休烈等烏合之衆尋自退散正須少時持重

耳上時掌翻

良須兵力也

良信兩弟在雍

謂蕭偉總雍州事  
愔守壘城也

雍於用翻

指遣往徵

指謂上指  
徵徵兵也

不為難至穎胄乃遣蔡道恭

假節屯上明以拒蕭瑋 辛巳東昏侯以太子左率李

居士總督西討諸軍事屯新亭

左率左衛率也

九月乙未詔

蕭衍若定京邑得以便宜從事衍留驍騎將軍鄭紹叔

守尋陽

驍堅克翻騎奇寄翻

與陳伯之引兵東下謂紹叔曰卿吾

之蕭何寇恂也

漢高帝委蕭何以關中光武任寇恂以河內使給餽餉事並見漢紀

前途

不捷我當其咎糧運不繼卿任其責紹叔流涕拜辭比

克建康

比必利翻及也

紹叔督江湘糧運未嘗乏絕 魏司州

牧廣陽王嘉請築洛陽三百二十三坊各方三百步曰



雖有暫勞姦盜永息丁酉詔發畿內夫五萬人築之四

旬而罷 已亥魏立皇后于氏后征虜將軍勁之女勁

烈之弟也自祖父栗磾以來

于栗磾魏開國功臣磾丁奚翻

累世貴盛

一皇后四贈公三領軍二尚書令三開國公 甲申東

昏侯以李居士為江州刺史冠軍將軍王珍國為雍州

刺史建安王寶寅為荊州刺史輔國將軍申胄監郢州

龍驤將軍扶風馬仙琕監豫州

冠古玩翻雍於用翻驤思將翻琕部田翻驍

騎將軍徐元稱監徐州軍事珍國廣之之子也

王廣之歷事高

武明三帝是日蕭衍前軍至蕪湖申胄軍二萬人棄姑孰走

衍進軍據之戊申東昏侯以後軍參軍蕭瑋為司州刺

史前輔國將軍魯休烈為益州刺史蕭衍之克江郢

也東昏遊騁如舊謂茹法珍曰須來至白門前當一決

騁丑郢翻茹音如須待也白門建康城西門也衍至近  
西方色白故以為稱一決言一戰以決勝負也

道乃聚兵為固守之計簡二尚方二冶囚徒以配軍建  
庫

有左右二尚其不可活者於朱雀門內日斬百餘人衍  
方東西二冶

遣曹景宗等進頓江寧

沈約曰晉武帝太康元年分秣陵立臨江縣二年更名江寧其

治所蓋臨江濱金陵覽丙辰李居士自新亭選精騎一  
古云新亭去江寧十里

千至江寧

騎奇寄翻

景宗始至營壘未立且師行日久器甲

穿弊居士望而輕之鼓譟直前薄之景宗奮擊破之因

乘勝而前徑至阜英橋於是王茂鄧元起呂僧珍進據

赤鼻邏

邏即佐翻

新亭城主江道林引兵出戰衆軍擒之於

陳

陳讀曰陣

行至新林命王茂進據越城鄧元起據道士墩

墩

音敦

陳伯之據籬門

陳伯之蓋據西籬門

呂僧珍據白板橋

據陶弘景

書板橋時屬江寧縣界按板橋市  
今在建康府城之西江寧鎮北

李居士覘知僧珍衆

少帥銳卒萬人直來薄壘

規丑康翻又丑艷翻少詩照翻帥讀曰率

僧珍曰

吾衆少不可逆戰可勿遙射須至塹裏當併力破之俄

而皆越塹拔柵

塹七艷翻

僧珍分人上城矢石俱發自帥馬

步三百人出其後城上復踰城而下內外奮擊居士敗

走獲其器甲不可勝計

上時掌翻復扶又翻下遐嫁翻勝音升

居士請於

東昏侯燒南岸邑屋以開戰場自大航以西新亭以北

皆盡衍諸弟皆自建康自拔赴軍

衍諸弟亡匿於建康里巷事見上卷上年

冬十月甲戌東昏侯遣征虜將軍王珍國軍主胡虎牙

將精兵十萬餘人陳於朱雀航南宦官王寶孫持白虎  
幡督戰開航背水以絕歸路行軍小却王茂下馬單刀

直前其甥韋欣慶執鐵纏稍以翼之

鐵纏稍以鐵線纏  
稍把齊武陵王晃

有銀纏稍將即亮翻陳讀曰陣下突  
陳同背蒲妹翻纏直彥翻稍色角翻

衝擊東軍應時而

陷曹景宗縱兵乘之呂僧珍縱火焚其營將士皆殊死

戰鼓譟震天地珍國等衆軍不能抗王寶孫切罵諸將

帥

帥所  
類翻

直閣將軍席豪發憤突陣而死豪驍將也既死

士卒土崩赴淮死者無數積尸與航等後至者乘之而

濟於是東昏侯諸軍望之皆潰

據齊書云朱爵諸軍望之皆潰蓋東昏侯自登

朱爵門督戰也

衍軍長驅至宣陽門諸將移營稍前陳伯之屯

西明門

西明門建康城西門也

每城中有降人出伯之輒呼與耳

語

耳語附耳而語也降戶江翻下同

衍恐其復懷翻覆密語伯之曰聞

城中甚忿卿舉江州降欲遣刺客中卿宜以為慮

復扶又翻

語牛倨翻中竹仲翻

伯之未之信會東昏侯將鄭伯倫來降衍使

伯倫過伯之謂曰城中甚忿卿欲遣信誘卿以封賞

誘音

酉須卿復降當生割卿手足卿若不降復欲遣刺客殺

卿宜深為備伯之懼自是始無異志

蕭衍之使鄭伯倫此孫子五間所謂

因間也須待也復扶又翻

戊寅東昏寧朔將軍徐元瑜以東府城降

青冀二州刺史桓和入援屯東宮己卯和詐東昏云出

戰因以其眾來降光祿大夫張瓌棄石頭還宮李居士

以新亭降於衍琅邪城主張木亦降壬午衍鎮石頭命

諸軍攻六門東昏燒門內營署官府驅逼士民悉入宮

城閉門自守衍命諸軍築長圍守之

守式又翻曰齊帝紀與梁帝

紀叙此事先後多不同按齊紀皆有楊公則屯領軍府

壘北樓與南掖門相對嘗登樓望戰城中遙見麾蓋以神鋒弩射之矢貫胡牀左右失色公則曰幾中吾腳談

笑如初

射而亦翻幾居依翻中竹仲翻

東昏夜選勇士攻公則柵軍中

驚擾公則堅臥不起徐命擊之東昏兵乃退公則所領

皆湘州人素號怯懦城中輕之每出盪輒先犯公則壘

公則獎厲軍士克獲更多先是東昏遣軍主左僧慶屯

京口常僧景屯廣陵李叔獻屯瓜步及申胄自姑孰奔

歸使屯破墩

據梁書鄱陽王恢傳破墩即破岡在曲阿界秦始皇所鑿也先悉薦翻墩音敦



為東北聲援至是衍遣使曉諭皆帥其衆來降

史言東昏唯孤

城自守使疏吏翻帥讀曰率

衍遣弟輔國將軍秀鎮京口輔國將軍

恢鎮破墩從弟寧朔將軍景鎮廣陵

景本名曷李延壽作南史避唐廟諱

改曷為景通鑑因之

十一月丙申魏以驃騎大將軍穆亮為司

空

驃匹妙翻騎奇寄翻

丁酉以北海王詳為太傅領司徒初詳欲

奪彭城王勰司徒

勰音協

故譖而黜之既而畏人議已故

但為大將軍至是乃居之詳貴盛翕赫將作大匠王遇

多隨詳所欲私以官物給之

李延壽曰王遇本馮翊李潤鎮羌其先為羌中強族

自云姓王後改為鈕耳氏至魏宣武時復改  
為王坐事腐刑累遷吏部尚書爵宕昌公 司徒長史

于忠責過於詳前曰殿下國之周公阿衡王室

阿衡謂如伊尹

也鄭玄曰阿倚也衡平也伊尹所須材用自應關旨關

謂關上旨也何至阿諛附勢損公惠私也遇既踧踖踧踖資

昔翻踧踖恭而不自安之貌詳亦慙謝忠每以鯁直為詳所忿嘗罵

忠曰我憂在前見爾死不憂爾見我死時也忠曰人生

於世自有定分

分扶問翻

若應死於王手避亦不免若其不

爾王不能殺忠以討咸陽王禧功封魏郡公遷散騎常

侍兼武衛將軍

散悉亶翻  
騎奇寄翻

詳因忠表讓之際密勸魏主

以忠為列卿令解左右

常侍武衛之職聽其讓爵於是  
常在天子左右

詔停其封優進太府卿

詳能以計疎于忠而不  
知高肇已制其後矣

巴東

獻武公蕭穎胄以蕭瓚與蔡道恭相持不決憂憤成疾

蕭穎胄以蕭衍東伐所向戰克而已輔南康居江陵近  
不能制蕭瓚外無以服姦雄之心而內有肘掖之寇此

其所以憂憤成疾瓚古回翻

壬午卒

卒子恤翻

夏侯詳祕之使似其書者

假為教命密報蕭衍衍亦祕之詳徵兵雍州蕭偉遣蕭

憺將兵赴之瓚等聞建康已危衆懼而潰瓚及魯休烈

皆降乃發穎胄喪贈侍中丞相於是衆望盡歸於衍夏

侯詳請與蕭憺共參軍國詔以詳為侍中尚書右僕射

尋除使持節撫軍將軍荊州刺史詳固讓于憺乃以憺

行荊州府州軍

豈特衆望歸衍哉西臺之權又歸於憺矣憺徒敢翻又徒濫翻使疏吏翻

魏改築園丘於伊水之陽

齊明帝建武二年魏孝文定園丘於委粟山今改之水經

伊水出南陽縣西荀渠山東北過陸渾新城縣又東北過伊闕中又東北至洛陽縣南而北入于洛魏蓋立園

丘于洛陽之南伊水之北

乙卯始祀於其上

魏鎮南將軍元英上

書曰蕭寶卷荒縱日甚虐害無辜

卷讀曰捲

其雍州刺史蕭

衍東伐秣陵掃土興兵順流而下唯有孤城更無重衛

此謂襄陽空虛也

乃皇天授我之日曠世一逢之秋此而不乘

將欲何待臣乞躬帥步騎三萬直指沔陰

襄陽在沔南水南為陰帥

讀曰

據襄陽之城斷黑水之路

斷丁管翻水經注黑水出南鄭北山南流入漢

諸葛亮牋云朝發南鄭暮宿黑水四五十里英蓋謂得襄陽則梁州之路斷也

昏虐君臣自相

魚肉我居上流威震遐邇長驅南出進拔江陵則三楚

之地一朝可收

太史公曰楚有三俗自淮沛陳汝南南郡此西楚也彭城以東東海吳廣陵此

東楚也衡山九江江南豫章長沙此南楚也

岷蜀之道自成斷絕

若取荆湘則岷蜀趣

建康之道亦絕矣

又命揚徐二州聲言俱舉

魏揚州治壽陽徐州治彭城

建

業窮蹙魚游釜中可以齊文軌而大同混天地而為一

伏惟陛下獨決聖心無取疑議此期脫爽

爽差也

并吞無

日事寢不報車騎大將軍源懷上言蕭衍內侮寶卷孤

危廣陵淮陰等戍皆觀望得失斯寶天啟之期并吞之

會宜東西齊舉以成席卷之勢若使蕭衍克濟上下同

心豈唯後圖之難亦恐揚州危逼何則壽春之去建康

纔七百里

魏置揚州於壽春見上卷上年

山川水陸皆彼所諳

諳烏含翻

彼

若內外無虞君臣分定乘舟藉水倏忽而至未易當也

分扶問翻  
易弋豉翻

今寶卷都邑有土崩之憂邊城無繼援之望

廓清江表正在今日魏主乃以任城王澄為都督淮南

諸軍事鎮南大將軍開府儀同三司揚州刺史使為經

略既而不果

使魏從二臣之計畫江為境  
不待侯景之亂也任音壬

懷賀之子也

源賀禿髮僂檀之  
子入魏賜姓源氏

東豫州刺史田益宗上表曰蕭氏亂

常君臣交爭江外州鎮中分為兩

謂西陽以西盡歸蕭  
衍歷陽以下猶屬建

康東西抗峙已淹歲時民庶窮於轉輸甲兵疲於戰鬪

事救於目前力盡於麾下無暇外維州鎮網紀庶方藩城基立孤存而已不乘機電掃廓彼蠻疆恐後之經畧

未易於此

易以鼓翻

且壽春雖平三面仍梗鎮守之宜實須

豫設義陽差近淮源利涉津要朝廷行師必由此道

水經

淮水出南陽平氏縣胎簪山東北過桐柏山又東逕義陽縣故曰義陽差近淮源淮源淺狹魏人行師以此地為利涉若江南一平有事淮外謂若蕭衍平定江須乘

夏水汎長列舟長淮

此謂江南用兵之常勢汎長知兩翻

師赴壽春須從

義陽之北

此謂魏師赴壽春之路

便是居我喉要

謂義陽也在慮彌深



義陽之滅今實時矣度彼不過須精卒一萬二千

度徒洛翻

然行師之法貴張形勢請使兩荆之衆西擬隨雍

兩荆謂魏

置荊州於穰城東荊州於沘陽也隨雍謂隨郡襄陽也雍於用翻

揚州之卒頓于建安

得捍三關之援然後二豫之軍直據南關對抗延頭二

豫

謂魏置豫州於汝南東豫州於新息也南關謂陰山關延頭在安陸界

遣一都督總諸軍

節度季冬進師迄于春末不過十旬克之必矣

考異曰益宗

傳曰世宗納之遣元英攻義陽按英攻義陽在景明四年八月此表言蕭氏君臣交爭則是梁武攻東昏時蓋益宗建策於今日而行於後年耳元英又奏稱今寶卷骨肉相殘藩鎮

鼎立義陽孤絕密邇王土內無兵儲之固外無糧援之

期此乃欲焚之鳥不可去薪

去羌呂翻

授首之寇豈容緩斧

若失此不取豈唯後舉難圖亦恐更為深患今豫州刺

史司馬悅已戒嚴垂發東豫州刺史田益宗兵守三關

請遣軍司為之節度魏主乃遣直寢羊靈引為軍司

直寢

因直寢殿以為官稱

益宗遂入寇建寧太守黃天賜與益宗戰于

赤亭

宋有建寧左郎孝武大明八年省建寧左郎為建寧縣屬西陽郡後復為郡隋志黃州府城縣舊置

建寧郡又宋文帝元嘉二十五年以豫部蠻民置二十八縣赤亭其一也水經注舉水自胡陂城南流逕赤亭

下謂之赤亭水西陽五水壘赤亭其一也

天賜敗績

考異曰魏帝紀七月未田益宗破蕭寶卷

將黃天賜於赤亭田益光傳景明初蕭衍遣軍主吳子陽帥眾寇三關益宗遣光城太守梅與之據長風城逆擊子陽大破之斬獲千餘級按吳子陽乃東昏將非衍將也且衍方與東昏相拒何暇寇魏三關此必益宗傳誤益光傳當作益宗傳

崔慧景之逼建康也東昏侯拜將子文

為假黃鉞使持節相國太宰大將軍錄尚書事揚州牧

鍾山王

使疏更翻

及衍至又尊子文為靈帝迎神像入後堂

使巫禱祀求福及城閉城中軍事悉委王珍國兗州刺

史張稷入衛京師以稷為珍國之副稷瓌之弟也

張瓌時為

光祿大夫時城中實甲猶七萬人東昏素好軍陳與黃門刀

敕及宮人於華光殿前習戰鬪詐作被創勢使人以板

擱去用為獸勝

好呼到翻陳讀曰陣被皮義翻創初常良翻擱音岡獸於叶翻又於琰翻

於殿中戎服騎馬出入以金銀為鎧胄具裝飾以孔翠

孔翠孔雀翡翠也鎧苦亥翻

晝眠夜起一如平常聞外鼓叫聲被大

紅袍登景陽樓屋上望之

今建康法寶寺景陽樓故基也被皮義翻弩幾中

之

幾居依翻中竹仲翻

始東昏與左右謀以為陳顯達一戰即敗

崔慧景圍城尋走謂衍兵亦然敕太官辦樵米為百日

調而已

調徒釣翻  
笑度也

及大桁之敗衆情允懼允凶茹法珍

等恐士民逃潰故閉城不復出兵

復扶  
又翻

既而長圍已立

塹柵嚴固然後出盪屢戰不捷

塹工  
艷翻

東昏尤惜金錢不

肯賞賜法珍叩頭請之東昏曰賊來獨取我耶何為就

我求物後堂儲數百具榜

榜比朗翻  
木片也

啟為城防東昏欲

留作殿竟不與又督御府作三百人精仗待圍解以擬

屏除

屏必  
郢翻

金銀雕鏤雜物倍急于常衆皆怨急不為致

力外圍既久城中皆思早亡莫敢先發茹法珍梅蟲兒

說東昏曰

鑊盧侯翻為于偽翻說式芮翻

大臣不留意使圍不解宜悉

誅之王珍國張稷懼禍珍國密遣所親獻明鏡於蕭衍

衍斷金以報之

鏡所以照物獻鏡者欲衍照其心也易大傳曰二人同心其利斷金故衍取以

為報斷丁亂翻王肅丁管翻

兗州中兵參軍張齊稷之腹心也珍國

因齊密與稷謀同弑東昏齊夜引珍國就稷造膝定計

造七到翻造至也對席而坐兩下促席俱前至膝以定密謀故曰造膝定計

齊自執燭又以

計告後閣舍人錢強

後閣舍人蓋江左所置使主殿後閣者也按後閣舍人常在宮中觀

徐龍駒事可見

十二月丙寅夜強密令人開雲龍門珍國稷引

兵入殿御刀豐勇之為內應

豐勇之右衛軍人為東昏所委任姓譜豐姓鄭七携

子豐之後

東昏在含德殿作笙歌寢未熟聞兵入趨出北戶

欲還後宮門已閉宦者黃泰平刀傷其膝仆地張齊斬

之

東昏時年十九

稷召尚書右僕射王亮等列坐殿前西鍾下

令百僚署牋以黃油裹東昏首

黃絹施油可以禦雨謂之黃油以黃油裹物表

可見裏蓋欲蕭衍易於審視也

遣國子博士范雲等送詣石頭

曰南史考異

王亮傳曰張稷等議立湘東嗣王寶暉領軍王瑩曰城

閉已久人情離解征東在近何不諮問按時和帝已立

稷等知建康不可守故弒東昏

豈敢復議立寶暉今從齊紀

右衛將軍王志嘆曰冠

雖弊何可加足取庭中樹葉按服之

按奴未翻兩手相切摩也今俗語云

按偽悶不署名行覽牋無志名心嘉之亮瑩之從弟志

僧虔之子也

王瑩蕭衍引為相國左長史王僧虔齊初位登台司

衍與范雲有舊

衍與雲同遊竟陵西邸見一百三十六卷武帝永明二年即留參帷幄王亮在東昏

朝以依違取容蕭衍至新林百僚皆間道送款

朝直遙翻間古

翻亮獨不遣東昏敗亮出見衍衍曰顛而不扶安用彼

相亮曰若其可扶明公豈有今日之舉

論語孔子曰危而不持顛而不

扶則將焉用彼相亮城中出者或被刼剥楊公則親帥麾



下陳於東掖門衛送公卿士民故出者多由公則營馬

被皮義翻行使張弘策先入清宮封府庫及圖籍於時

帥讀曰率城內珍寶委積弘策禁勒部曲秋毫無犯收潘妃及嬖

臣姑法珍梅蟲兒王暄之等四十一人皆屬吏

陳讀曰陣姑音

如喧況晚翻

初海陵王之廢也

事見一百三十九卷明帝建武元年王

太后出居鄱陽王故第號宣德宮乙巳蕭衍以宣德太

后令追廢涪陵王為東昏侯

涪音浮

褚后及太子誦並為

庶人以行為中書監大司馬錄尚書事驃騎大將軍揚

州刺史封建安郡公依晉武陵王遵承制故事百僚致

敬

不待西臺詔命而以宣德太后令高自署置蕭衍之心路人所知也豈必待范雲沈約發其端哉武陵王

遵事見一百一十三卷晉安帝元興三年以王亮為長史壬申更封建安王

寶寅為鄱陽王

更工衡翻

癸酉以司徒揚州刺史晉安王寶

義為太尉領司徒已卯衍入屯闕武堂下令大赦又下

令凡昏制謬賦淫刑濫役外可詳檢前原悉皆除濫

原南

史作源前源謂日前興事之源也濫字作瀉音徒朗翻

其主守散失諸所損耗精

立科條咸從原例

原赦也守式又翻

又下令通檢尚書衆曹東

昏時諸諍訟失理

諍讀曰爭

及主者淹停不時施行者精加

訊辯依事議奏

訊問也王制三訊然後制刑辯別白又也左傳曰子辭君必辯焉辯兵免翻

下令收葬義師瘞逆徒之死亡者

瘞一計翻

潘妃有國色行

欲留之以問侍中領軍將軍王茂茂曰亡齊者此物留

之恐貽外議乃縊殺於獄并誅嬖臣茹法珍等

縊於賜翻又於

計翻嬖卑義翻又博計翻茹音如

以宮女二千分賚將士

賚洛代翻

乙酉以

輔國將軍蕭宏為中護軍行之東下也豫州刺史馬仙

琕擁兵不附行

琕部田翻

行使其故人姚仲賓說之

說輸苒翻仙

理先為設酒乃斬於軍門以徇衍又遣其族叔懷遠說

之仙理曰大義滅親又欲斬之軍中為請乃得免

說式  
為翻

為于衍至新林仙理猶於江西日抄運船

豫州治歷陽  
在大江之西

偽翻

抄楚  
交翻

衍圍宮城州郡皆遣使請降

使疏更翻  
降戶江翻

吳興太守

袁昂獨拒境不受命昂顗之子也

袁顗死於  
義嘉之難

衍使駕部

郎考城江革

曹魏置二十三郎駕部其一也  
杜佑曰宋齊駕部屬左民尚書

為書與昂

曰根本既傾枝葉安附今竭力昏主未足為忠家門屠

滅非所謂孝豈若翻然改圖自招多福昂復書曰三吳

內地非用兵之所況以偏隅一郡何能為役自承麾旆

屆止莫不膝袒軍門

膝袒謂膝行肉袒也

唯僕一人敢後至者政

以內揆庸素文武無施雖欲獻心不增大師之勇置其

愚默寧沮衆軍之威

沮在呂翻

幸藉將軍含弘之大可得從

容以禮竊以一餐微施尚復投殞

從牛容翻施式鼓翻投殞言投命殞身也

復扶又翻

況食人之祿而頓忘一旦非唯物議不可亦恐明

公鄙之所以躊躇未遑薦璧

薦璧謂銜璧而降也薦進也

昂問時事

於武康令北地傅暎

吳分烏程餘杭立永安縣晉武帝太康元年更名武康屬吳興郡

睽曰昔元嘉之末開闢未有故太尉殺身以明節

袁淑贈太

尉淑死見一百二十七年卷宋文帝元嘉三十年

司徒當寄託之重理無苟全所

以不顧夷險以徇名義

司徒謂昂父顗也顗死見一百三十一卷宋明帝泰始二年

今嗣主昏虐曾無悛改荆雍協舉乘據上流

悛丑緣翻雍於用翻

天人之意可知願明府深慮無取後悔及建康平行使

豫州刺史李元履巡撫東土敕元履曰袁昂道素之門

世有忠節

即謂淑顗也

天下須共容之勿以兵威陵辱元履

至吳興宣行旨昂亦不請降開門撤備而已仙琚聞臺

城不守號泣謂將士曰我受人任寄義不容降君等皆有父母我為忠臣君為孝子不亦可乎乃悉遣城內兵

出降餘壯士數十閉門獨守俄而兵入圍之數十重

刀翻重仙琚令士皆持滿兵不敢近

近其

日暮仙琚乃

投弓曰諸君但來見取我義不降乃檻送石頭衍釋之

使待袁昂至俱入曰令天下見二義士衍謂仙琚曰射

鉤斬祛昔人所美卿勿以殺使斷運自嫌

斷音短

仙琚謝

曰小人如失主犬後主飼之則復為用矣

飼祥更翻復

字衍笑皆厚遇之丙戌蕭衍入鎮殿中劉希祖既克

安成移檄湘部始興內史王僧粲應之僧粲自稱湘州

刺史引兵襲長沙去城百餘里於是湘州郡縣兵皆蜂

起以應僧粲唯臨湘湘陰瀏陽羅四縣尚全臨湘羅二縣自漢以來

來屬長沙郡吳立瀏陽縣亦屬長沙宋蒼梧王元徽二年分益陽湘西羅及巴峽流民立湘陰縣屬湘東郡隋

改臨湘為長沙縣潭州治所也唐廢羅縣入湘陰屬岳州瀏陽今仍屬潭州瀏音留又音柳長沙人

皆欲汎舟走行事劉坦悉聚其舟焚之遣軍主尹法略

拒僧粲戰數不利數所前湘州鎮軍鍾玄紹按當時州府官屬無

角翻



鎮軍之稱此必梁書之誤潛結士民數百人刻日翻城應僧粲坦聞

其謀陽為不知因理訟至夜而城門遂不閉以疑之玄

紹未發明旦詣坦問其故坦久留與語密遣親兵收其

家書玄紹在坐而收兵已報具得其文書本末玄紹即

首服坐坐祖臥翻下於於坐斬之焚其文書餘黨悉無所

問衆愧且服州郡遂安法略與僧粲相持累月建康城

平楊公則還州僧粲等散走王丹為郡人所殺王丹先以南康

應劉希祖亦舉郡降公則克已廉慎輕刑薄賦頃之

湘州戶口幾復其舊

幾居  
依翻

資治通鑑卷一百四十四

欽定四庫全書

資治通鑑卷一百四十五 宋 司馬光 撰

胡三省 音註

梁紀一

一起玄默敦牂盡閏逢涸灘凡三年 齊宣德太后詔蕭衍自建安郡公進爵梁公衍志也

尋進爵為王尋受齊禪國因號曰梁

高祖武皇帝

諱衍字叔達小字練兒南蘭陵中都里人姓蕭氏與齊同出淮陰令整三

世至順之順之於齊高帝為族弟帝順之子也按通鑑武皇帝紀凡十八卷以一二為次此卷武皇帝之下合有一字

天監元年

自是年三月以前猶是齊和帝中興二年

春正月齊和帝遣兼侍

中席闡文等慰勞建康

勞力到翻

大司馬衍下令凡東昏

時浮費自非可以習禮樂之容繕甲兵之備者餘皆禁

絕 戊戌迎宣德太后入宮臨朝稱制衍解承制

衍承制見

上卷上年斲解之以覘人心朝直遙翻

己亥以寧朔將軍蕭曷監南兖

州諸軍事曷衍之從父弟也

曷兵永翻曷與帝同祖治書侍御史道賜監工衍翻

從才用翻

壬寅進大司馬衍都督中外諸軍事劔履上殿

贊拜不名

上時掌翻

己酉以大司馬長史王亮為中書監

尚書令

初大司馬與黃門侍郎范雲南清河太守沈

約司徒右長史任昉同在竟陵王西邸

事見一百三十六卷齊武帝永

明二年守式又翻  
住音壬昉分兩翻

意好敦密

敦厚也好  
呼到翻

至是引雲為大

司馬諮議參軍領錄事

衍錄尚書其錄  
府事使雲領之

約為驃騎司馬

為行驃騎大將軍府司  
馬驃匹妙翻騎奇寄翻

昉為記室參軍與參謀議前吳

興太守謝朓國子祭酒何胤先皆棄官家居

齊明帝建  
武初朓胤

皆棄官去朓敷  
尾翻先悉薦翻

衍奏徵為軍諮祭酒朓胤皆不至大司

馬內有受禪之志沈約微扣其端大司馬不應他日又

進曰今與古異不可以淳風期物

淳風謂淳古之風也

士大夫攀

龍附鳳皆望有尺寸之功今兒童牧豎皆知齊祚已終

明公當承其運天文識記又復炳然

識楚諧翻

天心不可違

人情不可失苟厯數所在雖欲譙光亦不可得已

易曰謙尊

而大司馬曰吾方思之約曰公初建牙樊沔此時應思

沔彌沔翻

今王業已成何所復思若不早定大業脫有一人

立異即損威德且人非金石時事難保豈可以建安之

封遺之子孫

復扶又翻下無復豈復同遺唯季翻

若天子還都公卿在位

則君臣分定

分扶問翻

無復異心君明於上臣忠於下豈復

有人方更同公作賊大司馬然之約出大司馬召范雲

告之雲對略同約旨大司馬曰智者乃爾暗同卿明早

將休文更來

將攜也挾也領也休文沈約字也

雲出語約約曰卿必待

我雲許諾而約先期入

語牛倨翻先悉薦翻

大司馬命草具其事

約乃出懷中詔書并諸選置大司馬初無所改俄而雲

自外來至殿門不得入徘徊壽光閣外但云咄咄

江南禁中

有壽光省咄咄當沒翻毛

約出問曰何以見處約舉手向

左謂處之以尚書左僕射也處昌呂翻

雲笑曰不乖所望有頃大司馬召

雲入嘆約才智縱橫

縱子容翻

且曰我起兵於今三年矣

東昏

侯永元二年十一月衍起兵至是首尾三年

功臣諸將實有其勞

將即亮翻

然成

帝業者卿二人也甲寅詔進大司馬位相國總百揆揚

州牧封十郡為梁公

時以豫州之梁郡歷陽南徐州之義興揚州之淮南宣城吳興會稽

新安東陽凡十郡為梁公國相息亮翻

備九錫之禮置梁百司去錄尚書

之號

去羌呂翻

驃騎大將軍如故二月辛酉梁公始受命齊

湘東王寶暉

暉之日翻

安陸昭王緬之子也

緬齊明帝之弟緬彌亮翻

頗



好文學

好呼到翻

東昏侯死寶暉望物情歸已坐待法駕既

而王珍國等送首梁公梁公以寶暉為太常寶暉心不自安壬戌梁公稱寶暉謀反并其弟江陵公寶覽汝南公寶宏皆殺之丙寅詔梁國選諸要職悉依天朝之

制

朝直遙翻

於是以前沈約為吏部尚書兼右僕射范雲為侍

中梁公納東昏余妃頗妨政事范雲以為言梁公未之

從雲與侍中領軍將軍王茂同入見

自沈約至王茂皆梁國官也見賢遍

翻

雲曰昔沛公入闕婦女無所幸此范增所以畏其志

大也

事見九卷漢高帝元年

今明公始定建康海內相望風聲奈

何襲亂亡之迹以女德為累乎

左傳富辰曰女德無極杜預注云婦女之志近

之則不知止足累力瑞翻

王茂起拜曰范雲言是也公必以天下為

念無宜留此梁公默然雲即請以余氏賚王茂

賚洛代翻梁

公賢其意而許之明日賜雲錢各百萬丙戌詔梁公

增封十郡進爵為王

時以豫州之南譙廬江江州之尋陽鄂州之武昌西陽南徐州之南

琅邪南東海晉陵揚州之臨海永嘉十郡益梁國

癸巳受命赦國內及府州殊

死以下

自進爵為王已上凡詔皆以宣德太后稱制行之

辛丑殺齊邵陵王

寶攸晉熙王寶嵩桂陽王寶貞

南史齊紀作寶攸本傳作寶脩三王皆明帝之

子

梁王將殺齊諸王防守猶未急鄱陽王寶寅家閹人

顏文智與左右麻拱等密謀穿牆夜出寶寅具小船於

江岼著烏布襦

著則畧翻襦汝朱翻短衣也

腰繫千餘錢潛赴江側

躡屨徒步足無完膚

屨居勺翻草履也

防守者至明追之寶寅

詐為釣者隨流上下十餘里追者不疑待散乃渡西岼

投民華文榮家

待散待追者散也華戶化翻

文榮與其族人天龍惠

連棄家將寶寅遁匿山澗賃驢乘之晝伏夜行抵壽陽

之東城魏戍主杜元倫馳告揚州刺史任城王澄以車

馬待衛迎之

任音士

寶寅時年十六徒步憔悴

悴奏醉翻

見者

以為掠賣生口澄待以客禮寶寅請喪君斬衰之服澄

遣人曉示情禮以喪兄齊衰之服給之

喪息浪翻哀倉回翻齊音咨

澄帥官僚赴吊寶寅居處有禮一同極哀之節

禮居君父之喪

極哀帥讀曰率處昌呂翻

壽陽多其義故皆受慰

嘑撫而安之曰慰弔生曰唁唁與

嘑同魚戰翻

唯不見夏侯一族

夏侯之族本譙郡譙人居於壽陽夏戶雅翻

以夏

侯詳從梁王故也澄深器重之

為蕭寶寅貴顯於魏而不終張本

齊

和帝東歸

將東歸建康也

以蕭憺為都督荆湘等六州諸軍事

荊州刺史

憺徒敢翻又徒濫翻

荊州軍旅之後公私空乏憺厲精

為治

治直吏翻

廣屯田省力役存問兵死之家供其乏困自

以少年居重任

少詩照翻

謂佐吏曰政之不臧士君子所宜

共惜吾今開懷卿其無隱於是人人得盡意民有訟者

皆立前待符教決於俄頃曹無留事荆人大悅 齊和

帝至姑孰丙辰下詔禪位於梁 丁巳廬陵王寶源卒

非疾也寶源者齊明帝第五子

魯陽蠻魯北鸞等起兵攻魏潁州

魏置潁州

於汝陰又潁川郡舊置潁州

夏四月辛酉宣德太后令曰西詔至

齊和帝雖已至姑孰其地猶在建康之西故曰西詔

帝憲章前代

憲章前代者以前代為法度也

敬禪神器於梁明可臨軒

明謂明旦也

遣使恭授璽紱未亡

人歸於別宮

古者君薨其夫人在者自稱未亡人使疏吏翻璽斯氏翻紱音弗

壬戌發

策遣兼太保尚書令亮等奉皇帝璽紱詣梁宮

亮王亮也

寅梁王即皇帝位於南郊大赦改元

始改元天監

是日追贈

兄懿為丞相封長沙王謚曰宣武葬禮依晉安平獻王

故事

懿為東昏侯所殺葬不成禮今依晉葬安平王孚禮葬之

丁卯奉和帝為巴陵

王宮於姑孰優崇之禮皆倣齊初

倣齊奉汝陰王之禮

奉宣德太

后為齊文帝妃王皇后為巴陵王妃齊世王侯封爵悉

從降省

降者王降公公降侯省者除其封國省所梗翻

唯宋汝陰王不在除例

備三恪也

追尊皇考為文皇帝廟號太祖皇妣為獻皇后

考

異曰南史云五月追尊今從梁書

追諡妃郝氏曰德皇后

東昏侯永元元年郝氏卒

於襄陽郝丑之翻

封文武功臣車騎將軍夏侯詳等十五人為

公侯

騎奇寄翻

立皇弟中護軍宏為臨川王南徐州刺史秀

為安成王雍州刺史偉為建安王

雍於用翻

左衛將軍恢為

鄱陽王荊州刺史憺為始興王以宏為揚州刺史 丁

卯以中書監王亮為尚書令相國左長史王瑩為中書

監吏部尚書沈約為尚書僕射長兼侍中范雲為散騎

常侍吏部尚書 詔凡後宮樂府西解暴室諸婦女一

皆放遣

解讀曰廨一皆放遣一切盡放遣之也

戊辰巴陵王卒時上欲

以南海郡為巴陵國徙王居之沈約曰古今殊事魏武

所云不可慕虛名而受實禍

沈約夢齊和帝劍斷其舌天之報應固不爽也

領之乃遣所親鄭伯禽詣姑孰以生金進王王曰我死



不須金醇酒足矣乃飲沈醉

沈持林翻

伯禽就摺殺之

時年十五

摺洛合翻

王之鎮荊州也琅邪顏見遠為錄事參軍及即位

為治書侍御史兼中丞

治直之翻

既禪位見遠不食數日而

卒

史言齊臣以死殉和帝者僅一顏見遠

上聞之曰我自應天從人

曰從人者

避皇考順之諱也

何預天下士大夫事而顏見遠乃至於此

此言

不可

庚午詔有司依周漢故事議贖刑條格

舜典曰金作贖

刑注曰誤入而刑出金以贖罪周穆王訓夏贖刑亦以五刑之辟疑者罰贖至漢文帝令民入粟以贖罪武帝令死罪入贖錢五十萬減死一等蓋自虞及凡在官身周疑誤者贖漢則凡犯罪者皆可得而入贖

犯鞭杖之罪悉入贖停罰其臺省令史士卒欲贖者聽

之以謝沐縣公寶義為巴陵王奉齊祀

上之受禪也寶義以晉安

王降封謝沐縣公晉志謝沐縣屬臨賀郡沐食車翻

寶義幼有廢疾不能言故獨

得全齊南康侯子恪及弟祁陽侯子範常因事入見

子恪

子範齊豫章王嶷子也祁陽縣吳立宋屬零陵郡見賢遍翻

上從容謂曰

從千容翻

天下

公器非可力取苟無期運雖項籍之力終亦敗亡宋孝

武性猜忌兄弟粗有令名者皆鵠之

謂南平王鐸也粗坐五翻

朝臣

以疑似枉死者相繼

謂顏峻王僧達周朗沈懷文等朝直遙翻

然或疑而不

能去

去羌呂翻下同

或不疑而卒為患如卿祖以材畧見疑而

無如之何

此正指疑而不能去者謂齊高帝也卒子恤翻

湘東以庸愚不疑而

子孫皆死其手

此正指不疑而卒為患者謂明帝盡殺孝武帝子孫也

我於時已

生彼豈知我應有今日固知有天命者非人所害我初

平建康人皆勸我除去卿輩以壹物心我於時依而行

之誰謂不可正以江左以來代謝之際必相屠滅感傷

和氣所以國祚不長又齊梁雖云革命事異前世我與

卿兄弟雖復絕服

五服之親至於袒免則無服矣去羌呂翻復扶又翻下同

宗

屬未遠齊業之初亦共甘苦

齊宋禪代之際帝情同一父順之參預佐命

家豈可遽如行路之人卿兄弟果有天命非我所殺若

無天命何忽行此適足示無度量耳且建武塗炭卿門

謂齊明帝建武中誅高武子孫

我起義兵非唯自雪門恥亦為卿兄弟

報仇

偽翻為于

卿若能在建武永元之世

永元齊東昏侯年號撥亂反

正

謂齊明帝父子為亂高武子孫為正

我豈得不釋戈推奉邪我自取天

下於明帝家非取之於卿家也昔劉子輿自稱成帝子

光武言假使成帝更生天下亦不可復得况子輿乎

事見

三十九卷漢  
更始元年

曹志魏武帝之孫為晉忠臣

事見八十一卷晉武帝太

康四年

况卿今日猶是宗室我方坦然相期卿無復懷自

外之意

無當作母

小待當自知我寸心子恪兄弟凡十六人

皆仕梁子恪子範子質子顯子雲子暉並以才能知名

歷官清顯各以壽終

史言帝所誅夷者齊明帝之後高帝之後固無恙也

詔徵

謝朓為左光祿大夫開府儀同三司

朓數尾翻

何胤為右光

祿大夫何點為侍中胤點終不就

癸酉詔公車府謗

木肺石傍各置一函

周禮大司寇以肺石達窮民注云肺石赤石也肺芳廢翻

若肉

食莫言欲有橫議投謗木函

杜佑曰肉食在位者布衣處士而議朝政謂之橫議

橫戶孟翻

若以功勞才器寃沈莫達投肺石函

沈持林翻

上身服

浣濯之衣常膳唯以菜蔬每簡長吏務選廉平皆召見

於前勛以政道

見賢通翻勛許玉翻勉也

擢尚書殿中郎到溉為建

安內史左戶侍郎劉駿為晉安太守

杜佑曰宋齊度支尚書統度支左戶

右戶金部庫部六曹驤子公翻沈約曰建安本閩越秦立為閩中郡漢武帝滅閩越徙其民於江淮間虛其地後有遁逃山谷間者頗出立為治縣屬會稽司馬彪云章安是故治然則臨海亦治地也從分治地為會稽東南二部都尉東部臨海是也南部建安是也吳孫休永安三年分南部立為建安郡晉武帝太康三年分建安

立晉安郡詳考沈志建安郡則今南劍邵武建寧之地  
晉安郡則今福州之地沈志洪氏隸釋辯之甚詳注已

見二人皆以廉潔著稱溉彥之曾孫也到彥之宋文帝將又著

令小縣令有能遷大縣大縣有能遷二千石以山陰令

丘仲孚為長沙內史武康令東海何遠為宣城太守由

是廉能莫不知勸 魯陽蠻圍魏湖陽湖陽縣漢屬南陽郡晉省元魏

後於此置西淮安郡及南襄州隋為湖陽縣唐并湖陽入棗陽縣 撫軍將軍李崇將兵

擊破之將即亮翻斬魯北驚徙萬餘戶於幽并諸州及六鎮

尋叛南走所在追討比及河殺之皆盡比必利翻 閏月丁

已魏頓丘匡公穆亮卒

謚法真心大度曰匡

齊東昏侯嬖臣孫

文明等雖經赦令猶不自安五月乙亥夜帥其徒數百

人因運荻炬束仗入南北掖門作亂

荻炬者束荻為火炬用也因運此遂

束兵仗於荻中以入嬖卑義翻又博計翻帥讀曰率

燒神虎門總章觀入衛尉府

殺衛尉洮陽慙侯張弘策

觀古玩翻洮陽縣屬零陵郡洮音兆

前軍司馬

呂僧珍直殿內以宿衛兵拒之不能却上戎服御前殿

曰賊夜來是其衆少曉則走矣

少詩沼翻

命擊五鼓領軍將

軍王茂驍騎將軍張惠紹聞難引兵赴救盜乃散走討



捕悉誅之

擊五鼓晉檀祗破司馬國璠之故智也驍堅堯翻騎奇寄翻難乃旦翻

江州

刺史陳伯之目不識書得文牒辭訟唯作大諾而已有

事典籤傳口語與奪決於主者

伯之手不能書典籤傳其口之所言豫章

人鄧繕永興人戴永忠

漢會稽諸暨縣吳更名永興

有舊恩於伯之

伯之以繕為別駕永忠為記室參軍河南褚縉居建康

縉子貴翻

考異曰蕭寶

素薄行仕宦不得志頻造尚

寅傳作褚胃今從梁書

書范雲雲不禮之

行下孟翻造七到翻范雲時為吏部尚書

縉怒私謂所親

曰建武以後草澤下族悉化成賢人吾何罪而見棄今

天下草創饑饉不已喪亂未可知

喪息浪翻

陳伯之擁彊兵

在江州非主上舊臣有自疑之意且熒惑守南斗詎非

為我出邪

晉天文志將有天子之事占於南斗南斗六星天廟也主兵為于偽翻

今者一

行事若無成入魏不失作河南郡守

守式又翻

遂投伯之大

見親狎伯之又以鄉人朱龍符為長流參軍

陳伯之濟陰人職官

分紀長流參軍主禁防晉從公府有長流參軍小府無長流參軍置禁防參軍顏氏家訓或問何故名治獄參軍為長流答曰帝王世紀云帝少昊崩其神降於長流之山此事本出山海經於祀主秋按周禮秋官司寇主刑罰長流之職漢魏捕賊掾耳晉宋以來始為參軍上屬司寇故取秋帝所居為嘉名焉並乘伯之

愚聞恣為姦利上聞之使陳虎牙私戒伯之又遣人代

鄧繕為別駕伯之並不受命表云龍符驍勇

驍堅堯翻

鄧繕

有績效臺所遣別駕請以為治中繕於是日夜說伯之

云臺家府藏空竭復無器仗三倉無米東境饑流

三倉太倉

石頭倉及常平倉又按五代史志梁司農卿主農功倉廩統太倉等令又管左右中部三倉丞東境三吳會稽

之地說式芮翻復扶又翻下若復同

此萬世一時也機不可失絹永忠共

贊成之伯之謂繕今啟卿若復不得即與卿共反上敕

伯之以部內一郡處繕

處昌呂翻

於是伯之集府州僚佐謂

日奉齊建安王教師江北義勇十萬已次六合

齊建安王蕭寶

寅也時奔魏據宋史六合山在烏江縣界五代志江都郡六合縣宋齊之秦郡尉氏縣也帥讀曰率下同見

使以江州見力運糧速下

見力之見賢遍翻

我荷明帝厚恩誓

死以報即命纂嚴使絹詐為蕭寶寅書以示僚佐於聽

事前為壇歃血共盟絹說伯之曰

荷下可翻聽讀曰廳軟色甲翻說式芮翻

今舉大事宜引衆望長史程元冲不與人同心臨川內

史王觀僧虔之孫人身不惡可召為長史以代元冲

觀古

玩伯之從之仍以絹為尋陽太守永忠為輔義將軍龍

符為豫州刺史觀不應命豫章太守鄭伯倫起郡兵拒

守程元冲既失職於家合帥數百人

合衆而帥之以攻伯之

乘伯

之無備突入至聽事前

聽讀與聽同

伯之自出格鬪元冲不

勝逃入廬山

廬山在江州南

伯之密遣信報虎牙兄弟皆逃奔

盱眙

盱眙音怡

戊子詔以領軍將軍王茂為征南將軍江

州刺史帥衆討之

魏揚州小岷戍主党濇宗

党底朗翻姓也

杜佑通典德浪翻岷戶典翻下同

襲大岷戍破之虜龍驤將軍邾菩薩

驤思將翻苦薄乎翻薩桑葛翻

陳伯之聞王茂來謂褚縉等曰王觀

既不受命鄭伯倫又不肯從便應空手受困今先平豫

章開通南路多發丁力益運資糧然後席卷北向以撲

饑疲之衆不憂不濟

卷讀曰捲北向謂北下  
攻建康也撲普木翻

六月留鄉

人唐盖人守城

守尋陽城

引兵趣豫章攻伯倫不能下

趣七喻翻

王茂軍至伯之表裏受敵遂敗走間道渡江與虎牙等

及褚縉俱奔魏

問古  
覓翻

上遣左右陳建孫送劉季連子

第三人入蜀使諭旨慰勞

勞力  
到翻

季連受命飭還裝益州

刺史鄧元起始得之官初季連為南郡太守不禮於元

起鄧元起南郡當陽人

都錄朱道琛有罪

都錄蓋郡之首吏總錄諸吏者也琛丑林翻

季連欲殺之逃匿得免至是道琛為元起典籤說元起

曰說式芮翻下或說同

益州亂離已久公私虛耗劉益州臨歸豈

辦遠遣迎候道琛請先使檢校

使疏吏翻

緣路奉迎不然萬

里資糧未易可得元起許之道琛既至言語不恭又歷

造府州人士見器物輒奪之有不獲者語曰

易以貳翻造七到翻

語牛倨翻

會當屬人何須苦惜於是軍府大懼謂元起必誅

季連禍及黨與競言之於季連季連亦以為然且懼昔

之不禮於元起乃召兵算之有精甲十萬歎曰據天險之地握此疆兵進可以匡社稷退不失作劉備捨此安之遂召佐史矯稱齊宣德太后令聚兵復反收朱道琛殺之

史言劉季連阻兵  
釁起於朱道琛

召巴西太守朱士畧及涪令李

膺並不受命

涪音浮

是月元起至巴西士畧開門納之先

是蜀民多逃亡聞元起至爭出投附皆稱起義兵應朝

廷軍士新故三萬餘人

新謂蜀民新附者故謂元起從行者先式薦翻

元起在

道久糧食乏絕或說之曰蜀土政慢民多詐疾若檢巴



西一郡籍注因而罰之所獲必厚

謂民多詐疾注之於籍以避征役說輸尚

翻

元起然之李膺諫曰使君前有嚴敵後無繼援山民

始附於我觀德

言山民觀望我德則附否則攜貳使疏吏翻

若糾以刻薄民

必不堪衆心一離雖悔無及何必起疾可以濟師

起疾謂糾

之以刻薄民所不堪則是興長病端一曰起疾謂起詐疾者杜預曰濟益也

膺請出圖之不

患資糧不足也元起曰善一以委卿膺退帥富民上軍

資米

帥讀曰率上時掌翻

得三萬斛

秋八月丁未命尚書刪定

郎濟陽蔡瀾度損益王植之集註舊律

王植之集定張杜律見一百三

十七卷齊武帝永明九年濟子禮翻

為梁律仍命與尚書令王亮侍中王

瑩尚書僕射沈約吏部尚書范雲等九人同議定上

素善鍾律欲釐正雅樂乃自制四器名之為通

五代史志通受

聲廣九寸宣聲長九尺臨岳高一寸二分每通皆施三絃一曰玄英通二曰青陽通三曰朱明通四曰白藏通

每通施三絃黃鍾絃用二百七十絲長九尺應鍾絃用

一百四十二絲長四尺七寸四分差彊中間十律以是

為差

黃鍾律長九寸引而伸之為九尺應鍾律長四寸二十七分寸之二十引而伸之為四尺七寸四分

差彊中間十律以是為差者即上生下生三分益一三分去一之數也長直亮翻下同

因以通聲

轉推月氣悉無差違而還得相中又制十二笛黃鍾笛

長三尺八寸應鍾笛長二尺三寸中間十律以是為差

以寫通聲飲古鍾玉律並皆不差

樂有飲聲飲者隨其聲而酌其清濁高下

也鄭譯因琵琶七調以其所撚琵琶絃柱相飲為七均合成十二以應十二律是也於是被以八

音

八音金石絲竹匏土革木被皮義翻

施以七聲

七聲宮商角徵羽及變宮變徵

莫不和

韻先是宮懸止有四鑄鍾雜以編鍾編磬衡鍾凡十六

虞

古者天子宮懸周禮注云宮懸四面四面象宮室有牆故謂之宮懸凡鍾十六枚同在於虞謂之編鍾特

懸者謂之鑄鍾爾雅曰大鍾謂之鑄編磬亦十六枚而同虞先悉薦翻鑄補各翻虞其呂翻

上始命

設十二鑄鍾各有編鍾編磬凡三十六虞而去衡鍾四

隅植建鼓

建鼓大鼓也少昊氏作之為建鼓之節去先呂翻

魏高祖之喪前

太傅平陽公丕自晉陽來赴

此太和二十三年事

遂留洛陽丕年

八十餘歷事六世

丕拓跋翳槐之曾孫從世祖臨江歷景穆文成獻文孝文及今主凡六世

位極公輔而還為庶人

丕得罪見一百四十一卷齊明帝建武四年

魏主以

其宗室耆舊矜而禮之乙卯以丕為三老

魏揚州刺

史任城王澄表請攻鍾離魏主使羽林監敦煌范紹詣

壽陽共量進止澄曰當用兵十萬往來百日乞朝廷速

辦糧仗紹曰今秋已向末方欲調發

任音士敦徒門翻  
量音良調徒弔翻

兵仗可集糧何由致有兵無糧何以克敵澄沈思良久

曰實如卿言乃止

沈持  
林翻

九月丁巳魏主如鄴冬十月

庚子還至懷與宗室近侍射遠帝射三百五十餘步羣

臣刻銘以美之甲辰還洛陽十一月己未立小廟以

祭太祖之母

太祖之母  
帝祖母也

每祭太廟畢以一太牢祭之

甲子立皇子統為太子

魏洛陽宮室始成

齊武帝永  
明十一年

魏始營洛陽至  
是宮室乃成

十二月將軍張囂之侵魏淮南取木

陵戍魏任城王澄遣輔國將軍成興擊之囂之敗走魏

復取木陵

水經注木陵山在黃水西南有木陵關黃水東逕晉西陽城南又東逕南光城南又東逕

弋陽郡東又東北入於淮謂之黃口唐志木陵關在光州光山縣南黃州麻城縣東北復扶又翻

劉

季連遣其將李奉伯等拒鄧元起

將即亮翻

元起與戰互有

勝負久之奉伯等敗還成都元起進屯西平

晉安帝以秦雍流民

立懷寧郡宋文帝元嘉十六年寄治成都其屬縣有西平蓋亦寄治成都城外遂為寶土

季連驅略

居民閉城固守元起進屯蔣橋去成都二十里畱輜重

於郾奉伯等間道襲郾陷之

重直用翻郾音疲間古覓翻

軍備盡沒

元起捨郅徑圍州城城局參軍江希之謀以城降不克

而死

宋有十八曹參軍城局其一也降戶江翻

魏陳畱公主寡居僕射高

肇秦州刺史張彞皆欲尚之公主許彞而不許肇肇怒

譖彞於魏主坐沈廢累年

沈持林翻

是歲江東大旱米斗

五千民多餓死

二年春正月乙卯以尚書僕射沈約為左僕射吏部尚

書范雲為右僕射尚書令王亮為左光祿大夫丙辰亮

坐正旦詐疾不登殿削爵廢為庶人 乙亥魏主耕籍

田魏梁州氏楊會叛行梁州事楊椿等討之

齊東昏  
永元二

年書魏梁州刺史楊椿招降氏王  
楊集始今乃為行梁州事當考

成都城中食盡升

米三千人相食劉季連食粥累月計無所出上遣主書

趙景悅宣詔受季連降

降戶江  
翻下同

季連肉袒請罪鄧元起

遷季連於城外俄而造馬待之以禮

造士  
到翻

季連謝曰早

知如此豈有前日之事

蓋言前日所以阻兵拒  
命實為朱道琛構間也

郾城亦

降元起誅李奉伯等送季連詣建康初元起在道懼事

不集無以為賞士之至者皆許以辟命於是受別駕治



中檄者將二千人季連至建康入東掖門數步一稽顙

以至上前

稽音啟

上笑曰卿欲慕劉備而曾不及公孫述

謂公孫述不肯降漢也

豈無卧龍之臣邪

卧龍謂諸葛孔明

赦為庶人

三月己巳魏皇后蠶於北郊

庚辰魏揚州刺史任城

王澄遣長風戍主竒道顯入寇

姓譜竒姓伯奇之後

取陰山白藁

二戍

據水經注陰山關在弋陽縣西南唐志黃州麻城縣東北有陰山關

蕭寶寅伏於

魏關之下

此魏朝之關門也關即古之象魏

請兵伐梁雖暴風大雨終

不斃移會陳伯之降魏亦請兵自効魏主乃引八坐門

下入定議

八坐謂令僕及諸曹尚書門下謂侍中散騎常侍等官 暨與暫同降戶江翻坐徂卧翻

夏四月癸未朔以寶寅為都督東揚等三州諸軍事鎮

東將軍揚州刺史丹陽公齊王禮賜甚厚配兵一萬令

屯東城

此蓋漢晉之東城縣地以其地在壽陽之東故置東揚州

以伯之為都督淮

南諸軍事平南將軍江州刺史屯陽石

即羊石城也在廬江西北霍丘

東南俟秋冬大舉寶寅明當拜命

明謂明旦也

其夜慟哭至晨

魏人又聽寶寅募四方壯勇得數千人以顏文智華文

榮等六人皆為將軍軍主

顏文智將寶寅投華文榮文榮等將寶寅投北華戶化翻

實寅志性雅重過朞猶絕酒肉

禮為兄弟服朞喪

慘形悴色蔬

食羸衣未嘗嬉笑

悴秦醉翻

癸卯蔡瀾度上梁律二十卷

上時掌翻

令三十卷科四十卷詔班行之

五月丁巳霄城

文侯范雲卒

霄城縣侯也五代志沔陽郡竟陵縣舊曰霄城卒子恤翻下同

雲盡心事

上知無不為臨繁處劇

處昌呂翻

精力過人及卒衆謂沈約

宜當樞管

樞管謂管樞機也今人猶謂樞密院為樞管以此觀之沈約之位雖在范雲之右而親任

不及雲遠矣

上以約輕易

易以鼓翻

不如尚書左丞徐勉乃以勉

及右衛將軍周捨同參國政捨雅量不及勉而清簡過

之兩人俱稱賢相常畱省內罕得休下

休下謂休假下直也

勉或

時還宅羣犬驚吠每有表奏輒焚其藁捨豫機密二十

餘年未嘗離左右

離力智翻

國史詔誥儀體灋律軍旅謀謨

皆掌之與人言謔終日不絕

謔迄却翻戲言也

而竟不漏泄機

事衆尤服之

史究言二人終身大槩

壬申斷諸郡縣獻奉二宮

惟諸州及會稽許貢任土若非地產亦不得貢

斷音短下頻斷

同二宮上宮及東宮也會稽東土大郡也故使之同於諸州會工外翻

甲戌魏楊椿等

大破叛氏斬首數千級

是年春氏楊會叛

六月壬午朔魏立

皇弟悅為汝南王

魏揚州刺史任城王澄表稱蕭衍

頻斷東關

斷音短

欲令巢湖汎溢以灌淮南諸戍吳楚便

水且灌且掠淮南之地將非國有壽陽去江五百餘里

衆庶惶惶並懼水害脫乘民之願攻敵之虛豫勒諸州

纂集士馬首秋大集應機經略雖混壹不能必果江西

自是無虞矣丙戌魏發冀定瀛相并濟六州二萬人馬

一千五百匹

相息亮翻濟子禮翻

令仲秋之中畢會淮南并壽陽

先兵三萬

先兵先屯壽陽之兵

委澄經略蕭寶寅陳伯之皆受澄

節度 謝朓輕舟出詣闕

朓敷尾翻

詔以為侍中司徒尚書

令朓辭脚疾不堪拜謁角巾自輿詣雲龍門謝詔見於

華林園

見賢遍翻

乘小車就席明旦上幸朓宅

謝朓仕宋及齊有宅在建

康宴語盡懽朓固陳本志不許因請自還東迎母許之

臨發上復臨幸

復扶又翻

賦詩餞別王人送迎相望於道

凡將

上命者皆謂之王人

及還詔起府於舊宅禮遇優異朓素憚煩不

省職事衆頗失望

謝朓之於樊英又不及遠甚省悉景翻

甲午以中書

監王瑩為尚書右僕射

秋七月乙卯魏平陽平公丕

卒 魏既罷鹽池之禁

魏主踐阼之初中尉甄琛表弛鹽禁彭城王勰與邢巒以為不

可魏主詔從琛請通鑑目錄已提其要此事今載於一百四十三卷齊東昏永元二年而通鑑正文逸其事錯簡置於百四十

六卷天監五年

而其利皆為富彊所專庚午復收鹽池

利入公

復扶又翻

辛未魏以彭城王勰為太師

勰音協

勰固

辭魏主賜詔敦諭又為家人書祈請懇至

為家人書用家人叔姪之

禮也勰不得已受命

八月庚子魏以鎮南將軍元英都

督征義陽諸軍事司州刺史蔡道恭聞魏軍將至遣驍

騎將軍楊由帥城外居民三千餘家保賢首山為三柵

驍堅堯翻騎奇冬十月元英勒諸軍圍賢首柵柵民任寄翻帥讀曰率

馬駒斬由降魏

任音壬降戶江翻

任城王澄命統軍党濩宗傳

豎眼太原王神念等分兵寇東關大峴淮陵九山

淮陵恐當

作睢陵齊置徐州於鍾離又僑置濟陰郡睢陵縣於郡界五代志鍾離郡化明縣舊曰睢陵置濟陰郡化明唐濠州之招義縣也或曰宋志南徐州領淮陵郡睢陵淮陵皆屬漢徐郡是時既置徐州於鍾離則亦置淮陵於鍾離界未可知也魏收志陳畱鍾離二郡有朝歌縣縣有九山城黃溪水按水經注黃水出黃武山東北流逕南光城弋陽等郡今按今招信軍盱眙縣西南一十五里有三城又西十五里至淮陵城臨池河池河過淮陵城西而北入於淮謂之池河口九山店在淮北南直淮陵九山店之東則陷垆湖南則馬城淮流至此謂之九



山灣其東則鳳皇洲在淮水中約長十里今土人亦呼九山灣為獅子渡北兵渡淮之津要也峴戶典翻高

祖珍將三千騎為遊軍澄以大軍繼其後豎眼靈越之

子也

傳靈越從薛安都起兵攻張永以應義嘉兵潰而死豎而主翻

魏人拔闕要潁川

大峴三城

魏收志霍州有北潁川郡領潁川等三縣水經注梁立霍州治潁縣天柱山

白塔

牽城清溪皆潰徐州刺史司馬明素將兵三千救九山

將即亮

翻下同徐州長史潘伯鄰救淮陵寧朔將軍王燮保焦

城党灋宗等進拔焦城破淮陵十一月壬午擒明素斬

伯鄰先是南梁太守馮道根戍阜陵

馮道根傳以南梁太守領阜陵戍先

悉薦翻初到修城隍遠斥堠如敵將至衆頗笑之道根曰

怯防勇戰此之謂也其周防若怯而臨戰則勇城未畢黨灤宗等衆

二萬奄至城下衆皆失色道根命大開門緩服登城選

精銳二百人出與魏兵戰破之魏人見其意思閒暇思相

吏翻戰又不利遂引去道根將百騎擊高祖珍破之寄奇

魏諸軍糧運絕引退以道根為豫州刺史此時梁豫州治晉熙道根

蓋猶戍阜陵特帶刺史耳武興安王楊集始卒己未魏立其世子

紹先為武興王紹先幼國事決於二叔父集起集義

乙亥尚書左僕射沈約以母憂去職魏既遷洛陽北邊

荒遠因以饑饉百姓困弊魏主加尚書左僕射源懷侍

中行臺

魏道武置行臺之官於鄴中山今置於北邊杜佑曰魏末司馬師討諸葛誕散騎常侍裴秀尚

書僕射陳泰黃門侍郎鍾會等以行臺從北齊行臺無統民事自辛術始隋謂之行臺省使持節巡

行北邊六鎮恒燕朔三州

六鎮列置於三州塞下使疏吏翻下同行下孟翻恒戶登

翻燕因肩翻

賑給貧乏考論殿最

既使之賑恤貧民又使之按察官吏殿丁練翻事

之得失皆先決後聞懷通濟有無饑民賴之沃野鎮將

于祚

沃野漢朔方郡之屬縣也魏平赫連與統萬同置鎮不在六鎮之數將即亮翻下同

皇后之

世父

世父伯父承世嫡者

與懷通婚時于勁方用事勢傾朝野

直朝

遙翻

祚頗有受納懷將入鎮祚郊迎道左懷不與語即劾

奏免官

劾戶槩翻又戶得翻下同

懷朔鎮將元尼須與懷舊交貪穢

狼籍

蘇鶚演義曰狼籍者物雜亂之貌狼所卧籍之草皆穢亂

置酒請懷謂懷曰命

之長短繫卿之口豈可不相寬貸懷曰今日源懷與故

人飲酒之坐

坐徂卧翻

非鞠獄之所也明日公庭始為使者

檢鎮將罪狀之處耳尼須揮淚無以對竟按劾抵罪懷

又奏邊鎮事少而置官猥多

少詩沼翻

沃野一鎮自將以下

八百餘人

將謂鎮將也將即亮翻

請一切五分損二魏主從之

乙酉將軍吳子陽與魏元英戰於白沙子陽敗績

白沙子在齊

安郡界魏收志有沙州治白沙闕城注云梁置唐志黃州黃陂縣有白沙闕

魏東荊州蠻

樊素安作亂乙酉以左衛將軍李崇為鎮南將軍都督

征蠻諸軍事將步騎討之

將即亮翻騎奇寄翻

馮翊吉盼父為

原鄉令

盼撫文翻漢靈帝中平二年分故鄣立原鄉縣屬吳興郡

為姦吏所誣逮詣

廷尉罪當死盼年十五搥登聞鼓乞代父命

搥則瓜翻

上以

其幼疑人教之使廷尉卿蔡謏度嚴加誘脅取其款實

誘者開之以生路脅者威之以繆索

朶度盛陳拷訊之

具詰盼曰爾求代父敕已相許審能死不

所謂脅之也  
拷音考詰去

吉翻不  
讀曰否

且爾童騃若為人所教亦聽悔異

騃五駮翻所  
謂誘之也悔

異猶律文  
所謂翻異

盼曰囚雖愚幼豈不知死之可憚顧不忍見

父極刑故求代之此非細故奈何受人教邪明詔聽代

不異登仙豈有回貳

反前說為回  
異前說為貳

朶度乃更和顏誘之

曰主上知尊侯無罪行當得釋觀君足為佳童今若轉

辭幸可父子同濟盼曰父掛深劾必正刑書囚瞑目引

領唯聽大戮

劾戶緊翻又戶得翻瞑莫定翻

無言復對時盼備加桎械

灋度愍之命更著小者

復扶又翻祖女九翻更工衡翻著陟畧翻

盼不聽曰

死罪之囚唯宜益械豈可減乎竟不脫灋度具以聞上

乃宥其父罪丹陽尹王志求其在廷尉事并問鄉里欲

於歲首舉充純孝

魏晉以來舉士皆由州鄉故問其鄉里

盼曰異哉王尹

何量盼之薄乎父辱子死道固當然若盼當此舉乃是

因父取名何辱如之固拒而止

量音良盼之拒王志是也梁武帝知盼之孝節

而不能叙用以厲流俗非也

魏主納高肇兄偃之女為貴嬪

嬪毗賓翻

魏散騎常侍趙脩寒賤暴貴恃寵驕恣陵轢王公為

衆所疾

散悉亶翻騎奇寄翻轢郎擊翻

魏主為脩治第舍擬於諸王

為于

偽翻治直之翻

鄰居獻地者或超補大郡脩請告歸葬其父凡

財役所須並從官給脩在道淫縱

脩自洛歸趙郡在道淫縱

左右乘

其出外頗發其罪惡及還舊寵小衰高肇密構成其罪

侍中領御史中尉甄琛黃門郎李憑廷尉卿陽平王顯

素皆諂附於脩至是懼相連及

懼以黨附連坐及禍甄之人翻琛且林翻

爭

助肇攻之帝命尚書元紹檢訊下詔暴其姦惡免死鞭



一百徙敦煌為兵

敦徒門翻

而脩愚疎初不之知方在領軍

于勁第樗蒲羽林數人稱詔呼之送詣領軍府甄琛王

顯監罰先具問事有力者五人送鞭之

監工衙翻問事行杖者也

欲

令必死脩素肥壯堪忍楚毒密加鞭至三百不死即召

驛馬促之上道出城不自勝

上時掌翻勝音升

舉縛置鞍中

舉擎

也脩困極不能自勝乘騎兩人對舉而置之馬上縛著鞍中

急驅之行八十里乃死

帝聞之責元紹不重聞

重直用翻聞奏也

紹曰脩之佞幸為國

深蠹臣不因釁除之

釁隙也釁許覲翻

恐陛下受萬世之謗帝

以其言正不罪也紹出廣平王懷拜之曰翁之直過於

汲黯紹曰但恨戮之稍晚以為愧耳紹素之孫也

常山王素

見一百二十二卷宋文帝元嘉十一年廣平王懷孝文之子以族屬長幼之次呼紹為翁明日甄琛

李憑以脩黨皆坐免官左右與脩連坐死黜者二十餘

人散騎常侍高聰與脩素親狎而又以宗人諂事高肇

故獨得免

三年春正月庚戌征虜將軍趙祖悅與魏江州刺史陳

伯之戰於東關祖悅敗績癸丑以尚書右僕射王瑩

為左僕射太子詹事柳惔為右僕射

惔徒  
甘翻

丙辰魏東

荊州刺史楊大眼擊叛蠻樊季安等大破之季安素安

之弟也 丙寅魏大赦改元正始 蕭寶寅行及汝陰

東城已為梁所取乃屯壽陽棲賢寺二月戊子將軍姜

慶真乘魏任城王澄在外

去年魏遣澄入  
寇宿師於外

襲壽陽據其

外郭長史韋纘倉猝失圖任城太妃孟氏勒兵登陴先

守要便

敵所必攻我所必守曰要便者形  
勝可據便於制敵之處陴頻彌翻

激厲文武安

慰新舊

新者壽陽兵民舊者北來將  
士或曰新者新附舊者舊民

將士咸有奮志太

妃親巡城守

守手又翻

不避矢石蕭寶寅引兵至與州軍合

擊之自四鼓戰至下晡

日未入之前為下晡

慶真敗走韋纘坐免

官任城王澄攻鍾離上遣冠軍將軍張惠紹等將兵五

千送糧詣鍾離

寇古玩翻將即亮翻

澄遣平遠將軍劉思祖等邀

之丁酉戰於邵陽

即邵陽州也

大敗梁兵俘惠紹等十將殺

虜士卒殆盡思祖芳之從子也

劉芳以儒學親重於太和之間敗補邁翻將即

亮翻從才用翻

尚書論思祖功應封千戶侯侍中領右衛將軍

元暉求二婢於思祖不得事遂寢

史言魏賞罰失當

暉素之孫

也上遣平西將軍曹景宗後軍王僧炳等帥步騎三萬

救義陽

後軍者後軍將軍也帥讀曰率

僧炳將二萬人據鑿峴

鑿峴在閩南今

信陽軍南三十五里有曹店即景宗屯鑿峴口所築峴戶典翻

景宗將萬人為後繼元

英遣冠軍將軍元逞等據樊城以拒之三月壬申大破

僧炳於樊城俘斬四千餘人

僧炳敗於樊城未得至鑿峴也否則此非襄陽之樊

城自別是一處

魏詔任城王澄以四月淮水將漲舟行無礙南

軍得時勿昧利以取後悔會大雨淮水暴漲澄引兵還

壽陽魏軍還既狼狽失亡四千餘人中書侍郎齊郡賈

思伯為澄軍司居後為殿

練翻

澄以其儒者謂之必死

及至大喜曰仁者必有勇

論語孔子之言

於軍司見之矣思伯

託以失道不伐其功有司奏奪澄開府仍降三階上以

所獲魏將士請易張惠紹於魏魏人歸之

考異曰惠紹傳無被獲

及復還事今從魏書

魏太傅領司徒錄尚書北海王詳驕奢好

聲色貪冒無厭

好呼到翻冒莫北翻厭於鹽翻

廣營第舍奪人居室嬖

昵左右所在請託中外嗟怨

嬖卑義翻又博計翻昵尼質翻

魏主以其

尊親恩禮無替軍國大事皆與參決所奏請無不開允

魏主之初親政也以兵召諸叔

事見上卷齊和帝中興元年

詳與咸

陽彭城王共車而入防衛嚴固高太妃大懼乘車隨而

哭之既得免謂詳曰自今不願富貴但使母子相保與

汝掃市為生耳及詳再執政

齊和帝中興元年正月魏主親政十一月詳為司徒

太妃不復念前事

復扶又翻

專助詳為貪虐冠軍將軍茹皓

以巧思有寵於帝

茹音如思相吏翻

常在左右傳可門下奏事

弄權納賄朝野憚之詳亦附焉皓娶尚書令高肇從妹

皓妻之姊為詳從父安定王燮之妃詳悉於燮妃由是

與皓益相昵狎

朝直遙翻下同從才用翻昵尼質翻

直閣將軍劉胄本詳

所引薦殿中將軍常季賢以善養馬陳掃靜掌櫛

櫛側瑟翻

梳也皆得幸於帝與皓相表裏賣權勢高聲本出高麗時

望輕之

麗力知翻

帝既黜六輔

魏高祖殂使六人受遺輔幼主事見一百四十二卷齊東

昏庾永元元年

誅咸陽王禧

事見上卷齊和帝中興元年

專委事於肇肇以

在朝親族至少

少詩沼翻

乃邀結朋援附之者旬月超擢不

附者陷以大臯尤忌諸王以詳位居其上欲去之獨執

朝政

去羌呂翻

乃譖之於帝云詳與皓胄季賢掃靜謀為逆



亂夏四月帝夜召中尉崔亮入禁中使彈奏詳貪淫奢

縱及皓等四人怙權貪橫收皓等繫南臺

橫戶孟翻南臺御史臺也

遣虎賁百人圍守詳第

賁音奔

又慮詳驚懼逃逸遣左右

郭翼開金墉門馳出諭旨示以中尉彈狀詳曰審如中

尉所糾何憂也正恐更有大罪橫至耳

橫戶孟翻

人與我物

我實受之詰朝有司奏處皓等罪皆賜死

詰去吉翻處昌呂翻

帝

引高陽王雍等五王入議詳罪詳單車防衛送華林園

母妻隨入給小奴弱婢數人圍守甚嚴内外不通五月

丁未朔下詔宥詳死免為庶人頃之徙詳於太府寺圍

禁彌急母妻皆還南第五日一來視之初詳娶宋王劉

昶女待之疎薄

昶且兩翻

詳既被禁高太妃乃知安定高妃

事大怒曰汝妻妾甚多如此安用彼高麗婢陷罪至此

麗力知翻

杖之百餘被創膿潰旬餘乃能立

被皮義翻創初良翻

又杖

劉妃數十曰婦人皆妬何獨不妬劉妃笑而受罰卒無

所言

卒子恤翻下同

詳家奴數人陰結黨輩欲劫出詳密書姓

名託侍婢通於詳詳始得執省

省悉景翻省猶視也

而門防主司

遙見突入就詳手中攬得奏之詳慟哭數聲暴卒詔有

司以禮殯葬

門防主司主門衛之兵以防守詳者

先是典事史元顯獻雞

雛四翼四足

典事猶今尚書六部主事史職也江南制局監有典事先悉薦翻

詔以問

侍中崔光光上表曰漢元帝初元中丞相府史家雌鷄

伏子漸化為雄

師古曰初尚伏子後乃稍化為雄也伏音房富翻

冠距鳴將

師古

曰距雞附足骨鬪時所用刺之將謂帥領其羣也

永光中有獻雄雞生角劉向

以為雞者小畜主司時起居人

畜許又翻師古曰至時而鳴以為人起居之節

小臣執事為政之象也

事見西漢書五行志

竟寧元年石顯伏辜

此其效也靈帝光和元年南宮寺雌雞欲化為雄但頭冠未變詔以問議郎蔡邕對曰頭為元首人君之象也今雞一身已變未至於頭而上知之是將有其事而不遂成之象也若應之不精政無所改頭冠或成為患滋

大

事見後漢書蔡邕傳

是後黃巾破壞四方天下遂大亂今之雞

狀雖與漢不同而其應頗相類誠可畏也臣以向邕言推之翼足衆多亦羣下相扇助之象雛而未大足羽差小亦其勢尚微易制御也

易以政翻

臣聞災異之見皆所以

示吉凶

見賢通翻

明君觀之而懼乃能致福闇主觀之而慢

所以致禍或者今亦有自賤而貴闕預政事如前世石

顯之比者邪願陛下進賢黜佞則妖弭慶集矣

妖於後通翻

數日皓等伏誅帝愈重光

魏主以茹皓等伏誅為光言之驗高肇獨非自賤而貴闕

預政事者邪

高肇說帝使宿衛隊主帥羽林虎賁守諸王第

殆同幽禁彭城王勰切諫不聽勰志尚高邁不樂榮勢

避事家居而出無山水之適處無知己之遊獨對妻子

常鬱鬱不樂

說式芮翻帥所類翻樂音洛處昌呂翻

魏人圍義陽城中

兵不滿五千人食纔支半歲魏軍攻之晝夜不息刺史

蔡道恭隨方抗禦皆應手摧却相持百餘日前後斬獲

不可勝計

魏自去年十月圍義陽蔡道恭卒於今年五月自此以上謂道恭疾未甚之前勝音升

魏軍憚之將退會道恭疾篤乃呼從弟驍騎將軍靈恩

從才用翻

兄子尚書郎僧勰及諸將佐謂曰吾受國厚恩不

能攘滅寇賊今所苦轉篤勢不支久汝等當以死固節

無令吾沒有遺恨衆皆流涕道恭卒靈恩攝行州事代

之城守

守式又翻

六月癸未大赦

魏大旱散騎常侍兼

尚書邢巒奏稱昔者明王重粟帛輕金玉何則粟帛養

民而安國金玉無用而敗德故也

散悉亶翻騎奇寄翻敗補邁翻

先帝

深鑒奢泰務崇節儉至以紙絹為帳宸

宸於豈翻禮疏曰宸屏風

銅

鐵為轡勒府藏之金裁給而已

藏徂浪翻

不復買積以費國

資

復扶又翻

逮景明之初承升平之業四境清宴遠邇來同

於是貢篚相繼

貢篚二語本之禹貢謂貴細之物盛之以篚篚而入貢也

商估交入

諸所獻納倍多於常金玉恒有餘國用恒不足

估音古恒戶登

翻苟非為之分限

分扶問翻

但恐歲計不充自今請非要須

者一切不受魏主納之

秋七月癸丑角城戍主柴慶

宗以城降魏

降戶江翻

魏徐州刺史元鑒遣淮陽太守吳秦

生將千餘人赴之淮陰援軍斷其路

守式又翻將即亮翻淮陰梁重鎮也

以角城叛遣軍援其不從叛者斷音短

秦生屢戰破之遂取角城 甲子

立皇子綜為豫章王

魏李崇破東荆叛蠻生擒樊素

安進討西荆諸蠻悉降之

西荆正指荊州也魏太和中徙荊州治穰城領南陽順陽

新野東恒農漢廣襄城北清恒農等郡其地正在東荊州之西

魏人聞蔡道恭卒攻

義陽益急短兵日接曹景宗頓鑿峴不進但耀兵遊獵



而已上復遣寧朔將軍馬仙琕救義陽

復扶又翻下箭復琕復乃復同

琕部田翻

仙琕轉戰而前兵勢甚銳元英結壘於上雅山

上雅

山當作士雅山據水經注義陽之東有大木山即晉祖逖將家避難所居也逖字士雅後人因以之名山杜佑曰唐州桐柏縣有大木山晉祖逖為豫州刺史藏家屬於此山分命諸將伏於四山示

之以弱仙琕乘勝直抵長圍掩英營英偽北以誘之

誘音

酉至平地縱兵擊之統軍傅永擐甲執槊單騎先入

將即

亮翻下同擐音宜槊色角翻

唯軍主蔡三虎副之突陳橫過梁兵射

永洞其左股

陳讀曰陣射而亦翻

永拔箭復入仙琕大敗一子戰

死仙琚退走英謂永曰公傷矣且還營永曰昔漢高捫

足不欲人知

事見十卷漢高祖四年

下官雖微國家一將奈何使

賊有傷將之名

將即亮翻

遂與諸軍追之盡夜而返時年七

十餘矣軍中莫不壯之仙琚復帥萬餘人進擊英

帥讀曰率

英又破之殺將軍陳秀之仙琚知義陽危急盡銳決戰

一日三交皆大敗而返

馬仙琚力戰使曹景宗以大軍繼之魏必敗退義陽全矣

蔡

靈恩勢窮八月乙酉降於魏

降戶江都

三關戍將聞之辛酉

亦棄城走

乙酉距辛酉三十六日太遠或者其辛卯歟

英使司馬陸希道為

露板嫌其不精命傳永改之永不增文彩直為之陳列

軍事處置形要而已

為于偽翻處昌呂翻

英深賞之曰觀此經算

雖有金城湯池不能守矣

史言英伐其功故深賞傳永能為之陳列

初南安

惠王以預穆泰之謀追奪爵邑

穆泰事見一百四十卷齊明帝建武三年及

英克義陽乃復立英為中山王御史中丞任昉奏彈曹

景宗上以其功臣寢而不治

任音士昉南兩翻彈徒丹翻治直之翻

衛

尉鄭紹叔忠於事上外所聞知纖豪無隱每為上言事

為于偽翻

善則推功於上不善則引咎歸已上以是親之詔

於南義陽置司州移鎮關南以紹叔為刺史

南義陽治鹿城關隋

為黃州木蘭縣唐并木蘭入黃岡縣

紹叔立城隍繕器械廣田積穀招集

流散百姓安之魏置郢州於義陽以司馬悅為刺史

魏收

地形志郢州領安陽城陽汝南郡

上遣馬仙琕築竹敦麻陽二城於三

關南

麻陽即今黃州麻城縣也豫州刺史馬仙琕按仙琕於時未曾為豫州也

考異曰司馬悅傳作

司馬悅遣兵攻竹敦拔之

九月壬子以吐谷渾王伏

連籌為西秦河二州刺史河南王

吐從職入聲谷音浴

柔然侵

魏之沃野及懷朔鎮

漢沃野縣屬朔方郡後魏為鎮魏收志太和元年置偏城郡沃野縣屬焉

此時鎮猶未廢也注已見前

詔車騎大將軍源懷出行北邊

騎奇寄翻行下

孟指授方畧隨須徵發皆以便宜從事

隨須者隨軍行之所須以為用

也者懷至雲中柔然遁去懷以為用夏制夷莫如城郭還

至恒代按視諸鎮左右要害之地可以築城置戍之處

欲東西為九城及儲糧積仗之宜犬牙相救之勢凡五

十八條表上之曰今定鼎成周去北遙遠代表諸國頗

或外叛

代表謂魏代都之塞外也諸國謂高車諸部夏戶雅翻恒戶登翻上時掌翻

仍遭旱

饑戎馬甲兵十分闕八謂宜準舊鎮東西相望今形勢

相接築城置戍分兵要害勸農積粟警急之日隨便翦

討彼遊騎之寇

騎奇寄翻

終不敢攻城亦不敢越城南出如

此北方無憂矣魏主從之魏太和之十六年高祖詔

中書監高閭與給事中公孫崇考定雅樂

見一百三十七卷齊武帝

永明十一年

久之未就會高祖殂高閭卒景明中崇為太樂

令上所謂金石及書

卒子恤翻上時掌翻

至是世宗始命八坐已

下議之

冬十一月戊午魏詔營繕國學

據目錄是年置四門小學

袁翻曰太和二十年敕立四門博士於四門置學按自周以上學惟以二或尚東或尚西或貴在國或貴在郊

爰暨周室學蓋有六師氏居內大學在國四小在郊大戴保傳篇云帝入東學尚親而貴仁帝入南學尚齒而貴信帝入西學尚賢而貴德帝入北學尚貴而尊時魏

平寧日久學業大盛燕齊趙魏之間教授者不可勝數

燕因肩翻勝音升

弟子著錄多者千餘人少者猶數百

少詩州

舉茂異郡貢孝廉每年逾衆甲子除以金贖罪之科

聽贖事見上元年

十二月丙子魏詔殿中郎陳郡袁翻等議

立律令彭城王勰等監之

勰音協監工銜翻

己亥魏主幸伊

闕

自南北分治人主出行所至通鑑皆曰如自此以後率書辛未曉義例所由變蓋一時失於刊正也

上雅好儒術

好呼到翻

以東晉宋齊雖開置國學不及十年

輒廢之其存亦文具而已無講授之實

晉元帝建武元年戴邈請建太

學王敦蘇峻之難學校廢矣成帝咸康三年復立而儒術終不振穆帝永和八年殷浩以軍興罷太學生宋文帝元嘉十五年徵雷次宗開館教授而儒玄文史四學並廢齊高帝建元四年置國子學生二百人隆昌建武之閒已倚席而不講矣

資治通鑑卷一百四十五